

穀梁傳序

范甯撰

昔周道衰陵乾綱絕紐禮壞樂崩彝倫攸斁
緘逆篡盜者國有淫縱破義者比肩是以妖災因
釁而作民俗染化而遷陰陽爲之愆度七曜爲
之盈縮川嶽爲之崩竭鬼神爲之疵癘故父子
之恩缺則小弁之刺作君臣之禮廢則桑扈之
諷興夫婦之道絕則谷風之篇奏骨肉之親離
則角弓之怨彰君子之路塞則白駒之詩賦天
垂象見吉凶聖作訓紀成敗欲人君戒慎厥行

范甯撰




增修德政蓋誨爾諄諄聽我藐藐履霜堅冰所
由者漸四夷交侵華戎同貫幽王以暴虐見禍
平王以微弱東遷征伐不由天子之命號令出
自權臣之門故兩觀表而臣禮亡宋干設而君
權喪下陵上替僭迫理極天下蕩蕩王道盡矣
孔子觀滄海之橫流迺喟然而嘆曰文王既沒
文不在茲乎言文王之道喪興之者在已於是
就大師而正雅頌因魯史而備春秋列黍離於
國風齊王德於邦君所以明其不能復雅政化

不足以被群后也於是則接乎隱公故因茲以
託始該二儀之化育贊人道之幽變舉得失以
彰黜陟明成敗以著勸誡拯頽綱以繼三五鼓
芳風以扇遊塵一字之褒寵踰華袞之贈片言
之貶辱過市朝之撻德之所助雖賤必申義之
所抑雖貴必屈故附勢匿非者無所逃其罪潛
德獨運者無所隱其名信不易之宏軌百王之
通典也先王之道既弘麒麟感化而來應因事備
而終篇故絕筆於斯年成天下之事業定天下

之邪正莫善於春秋春秋之傳有三而爲經之旨一臧否不同褒貶殊致蓋九流分而微言隱異端作而大義乖左氏以鬻拳兵諫爲愛君文公納幣爲用禮穀梁以衛輒拒父爲尊祖不納子糾爲內惡公羊以祭仲廢君爲行權妾母稱夫人爲合正以兵諫爲愛君是人主可得而脅也以納幣爲用禮是居喪可得而婚也以拒父爲尊祖是爲子可得而叛也以不納子糾爲內惡是仇讐可得而容也以廢君爲行權是神器

可得而窺也以妾母爲夫人是嫡庶可得而齊也若此之類傷教害義不可得彊通者也凡傳以通經爲主經以必當爲理夫至當無二而三傳殊說庸得不棄其所滯擇善而從乎旣不俱當則固容俱失若至言幽絕擇善靡從庸得不並舍以求宗據理以通經乎雖我之所是理未全當安可以得當之難而自絕於希通哉而漢興以來瓌望碩儒各信所習是非紛錯準裁靡定故有父子異同之論石渠分爭之說廢興由

於好惡盛衰繼之辯訥斯蓋非通方之至理誠君子之所歎息也左氏豔而富其失也誣穀梁清而婉其失也短公羊辯而裁其失也俗若能富而不誣清而不短裁而不俗則深於其道者也故君子之於春秋沒身而已矣升平之末歲次大梁先君北蕃迴軫頓駕于吳乃帥門生故吏我兄弟子姪研講六籍次及三傳左氏則有服杜之註公羊則有何嚴之訓釋穀梁傳者雖近十家皆膚淺末學不經師匠辭理典據旣無可觀又引左氏公羊以解此傳文義違反斯害也已於是乃商略名例數陳疑滯博示諸儒同異之說昊天不弔泰山其頽匍匐墓次死亡無日日月逾邁跋及視息乃與二三學士及諸子弟各記所識弁言其意業未及終嚴霜夏墜從弟凋落二子泯沒天實喪予何痛如之今撰諸子之言各記其姓名名曰春秋穀梁集解



隱王之元年周王
之二月也元者字也如
若之在人天可無大木
長在物之其子元可能
知自稱元正月直子之
河所直其口方其其亦
人天當來直心仗大義
若其字之正通如乃稱
也

信申字

穀梁傳隱公卷第一

元年春王正月

丙辰五月校閱纂花冢系解
于王師一館 江古

雖無事必舉正月謹始也公何以不言即位
成公志也焉成之言君之不取為公也君之
不取為公何也將以讓桓也讓桓正乎曰不
正春秋成人之美不成人之惡隱不正而成
之何也將以惡桓也其惡桓何也隱將讓而
桓弑之則桓惡矣桓弑而隱讓則隱善矣善
則其不正焉何也春秋貴義而不貴惠信道



而不信邪孝子揚父之美不揚父之惡先君之欲與桓非正也邪也雖然既勝其邪心以與隱矣已探先君之邪志而遂以與桓則是成父之惡也兄弟天倫也爲子受之父爲諸侯受之君已廢天倫而忘君父以行小惠曰小道也若隱者可謂輕千乘之國蹈道則未也

三月公及邾儀父盟于昧

及者何內爲志焉爾儀字也父猶傳也男子之美稱也其不言邾子何也邾之上古微未爵命於周也不日其盟渝也昧地名也

夏五月鄭伯克段于鄆

克者何能也何能也能殺也何以不言殺見段之有徒衆也段鄭伯弟也何以知其爲弟也殺世子毋弟目君以其目君知其爲弟也段弟也而弗謂弟公子也而弗謂公子貶之也段失子弟之道矣賤段而甚鄭伯也何甚乎鄭伯甚鄭伯之處心積慮成於殺也于鄆

二年春公會戎于潛

會者外爲主焉爾知者慮義者行仁者守有此三者然後可以出會會戎危公也

夏五月莒人入向

入者內弗受也向我邑也

無佗帥師入極

入者內弗受也極國也苟焉以入人爲志者人亦入之矣不稱氏者滅同姓貶也

秋八月庚辰公及戎盟于唐

九月紀履緌來逆女

逆女親者也使大夫非正也以國氏者爲其來交接於我故君子進之也

冬十月伯姬歸于紀

禮婦人謂嫁曰歸反曰來歸從人者也婦人在家制於父旣嫁制於夫夫死從長子婦人不專行必有從也伯姬歸于紀此其如專行之辭何也曰非專行也吾伯姬歸于紀故志之也其不言使何也逆之道微無足道焉爾

伯長也

紀子伯莒子盟于密

或曰紀子伯莒子而與之盟或曰年同爵同故紀子以伯先也

十有二月乙卯夫人子氏薨

夫人薨不地夫人者隱之妻也卒而不書葬夫人之義從君者也

鄭人伐衛

三年春王二月己巳日有食之

言日不言朔食晦日也其日有食之何也吐

凡所吐者皆在外
凡吞者皆入於內
謂之曰食之者
謂之曰食之者
謂之曰食之者
謂之曰食之者

者外壤食者內壤闕然不見其壤有食之者也有內辭也或外辭也有食之者內於日也其不言食之者何也知其不可知也

三月庚戌天王崩

高曰崩厚曰崩尊曰崩天子之崩以尊也其崩之何也以其在民上故崩之其不名何也太上故不名也

夏四月辛卯尹氏卒

尹氏者何也天子之大夫也外大夫不卒此

何以卒之也於天子之崩為魯主故隱而卒之

秋武氏子來求賻

武氏子者何也天子之大夫也天子之大夫其稱武氏子何也未畢喪孤未爵未爵使之非正也其不言使何也無君也歸死者曰賵歸生者曰賻曰歸之者正也求之者非正也周雖不求魯不可以不歸魯雖不歸周不可以求之求之為言得不得未可知之辭也交

譏之

八月庚辰宋公和卒

諸侯日卒正也

冬十有二月齊侯鄭伯盟于石門

癸未葬宋繆公

日葬故也危不得葬也

四年春王二月莒人伐杞取牟婁

傳曰言伐言取所惡也諸侯相伐取地於是始故謹而志之也

九能而猶則河之種

戊申衛祝吁弒其君完

大夫弒其君以國氏者嫌也弒而代之也

夏公及宋公遇于清

及者內為志焉爾遇者志相得也

宋公陳侯蔡人衛人伐鄭

秋翬帥師會宋公陳侯蔡人衛人伐鄭

翬者何也公子翬也其不稱公子何也貶之也何為貶之也與于弒公故貶也

九月衛人殺祝吁于濮

亦乃氏族提學其名
而通之
深水在臨邑

稱人以殺殺有罪也祝吁之挈失嫌也其月謹之也于濮者譏失賊也

冬十有二月衛人立晉

衛人者眾辭也立者不宜立者也晉之名惡也其稱人以立之何也得眾也得眾則是賢也賢則其曰不宜立何也春秋之義諸侯與正而不與賢也

五年春公觀魚于棠

傳曰常事曰視非常曰觀禮尊不親小事卑

不尸大功魚單者之事也公觀之非正也

夏四月葬衛桓公

月葬故也

秋衛師入邾

入者內弗受也邾國也將卑師衆曰師

九月考仲子之宮

考者何也考者成之也成之爲夫人也禮庶子爲君爲其母築宮使公子主其祭也於子祭於孫止仲子者惠公之母隱孫而脩之非

隱也

初獻六羽

初始也穀梁子曰舞夏天子八佾諸公六佾諸侯四佾初獻六羽始僭樂矣尸子曰舞夏自天子至諸侯皆用八佾初獻六羽始厲樂矣

邾人鄭人伐宋

滇

蟲災也甚則月不甚則時

屋藏居自藏居而用
六三之如僭一之如降

冬十有二月辛巳公子彊卒

隱不爵命大夫其曰公子彊何也先君之大夫也

宋人伐鄭圍長葛

伐國不言圍邑此其言圍何也久之也伐不踰時戰不逐奔誅不填服苞人民毆牛馬曰侵斬樹木壞宮室曰伐

六年春鄭人來輸平

輸者墮也平之爲言以道成也來輸平者不

果成也

夏五月辛酉公會齊侯盟于艾

秋七月

冬宋人取長葛

外取邑不志此其志何也久之也

七年春王三月叔姬歸于紀

其不言逆何也逆之道微無足道焉爾

滕侯卒

滕侯無名少曰世子長曰君狄道也其不正

填音曰填康也原於甲
五
鄭之邑也既平去少
運也形不以是故示自
本夫

齊桓公死於平十五年以上
好也子天子少以是二十
而何

者名也

夏城中丘

城爲保民爲之也民衆城小則益城益城無極凡城之志皆譏也

齊侯使其弟年來聘

諸侯之尊弟兄不得以屬通其弟云者以其來接於我舉其貴者也

秋公伐邾

冬天王使凡伯來聘

戎伐凡伯于楚丘以歸

凡伯者何也天子之大夫也國而曰伐此一人而曰伐何也大天子之命也戎者衛也戎衛者爲其伐天子之使貶而戎之也楚丘衛之邑也以歸猶愈乎執也

八年春宋公衛侯遇于垂

不期而會曰遇遇者志相得也

三月鄭伯使宛來歸郕

名宛所以貶鄭伯惡與地也

庚寅我入邠

入者內弗受也日入惡入者也邠者鄭伯所受命於天子而祭泰山之邑也

夏六月己亥蔡侯考父卒

諸侯日卒正也

辛亥宿男卒

宿微國也未能同盟故男卒也

秋七月庚午宋公齊侯衛侯盟于瓦屋

外盟不日此其日何也諸侯之參盟於是始

故謹而日之也詰誓不及五帝盟詛不及三

王交質子不及二伯

八月葬蔡宣公

月葬故也

九月辛卯公及莒人盟于包來

可言公及人不可言公及大夫

螟

冬十有二月無佻卒

無佻之名未有聞焉或曰隱不爵大夫也或

江河日下

說曰故貶之也

九年春天王使南季來聘

南氏姓也季字也聘問也聘諸侯非正也

三月癸酉大雨震電

震雷也電霆也

庚辰大雨雪

志疏數也八日之間再有大變陰陽錯行故謹而日之也雨月志正也

俠卒

俠者所俠也弗大夫者隱不爵大夫也隱之不爵大夫何也曰不成爲君也

夏城郎

秋七月

無事焉何以書不遺時也

冬公會齊侯于防

會者外爲主焉爾

十年春王二月公會齊侯鄭伯于中丘

夏翬帥師會齊人鄭人伐宋

雷未可出電未可入易
云於閉通字從通而物
為雷

國家圖書館 NATIONAL CENTRAL LIBRARY TAIWAN P.O.C.

六月壬戌公敗宋師于菅

內不言戰舉其大者也

辛未取郟辛巳取防

取邑不日此其日何也不正其乘敗人而深為利取二邑故謹而日之也

秋宋人衛人入鄭

宋人蔡人衛人伐載鄭伯伐取之

不正其因人之力而易取之故主其事也

冬十月壬午齊人鄭人入郕

入者內弗受也日人惡入者也郕國也

十有一年春滕侯薛侯來朝

天子無事諸侯相朝正也考禮脩德所以尊天子也諸侯來朝時正也植言同時也累數

皆至也

夏五月公會鄭伯于時來

秋七月壬午公及齊侯鄭伯入許

冬十有一月壬辰公薨

公薨不地故也隱之不忍地也其不言葬何

植言持也植言也也

也君弑賊不討不書葬以罪下也隱十年無
正隱不自正也元年有正所以正隱也

穀梁傳隱公卷第一

穀梁傳桓公卷第二

元年春王

桓無王其曰王何也謹始也其曰無王何也
桓弟弑兄臣弑君天子不能定諸侯不能救
百姓不能去以爲無王之道遂可以至焉爾
元年有王所以治桓也

正月公卽位

繼故不言卽位正也繼故不言卽位之爲正
何也曰先君不以其道終則子弟不忍卽位

也繼故而言卽位則是與聞乎弑也繼故而言卽位是爲與聞乎弑何也曰先君不以其道終已正卽位之道而卽位是無恩於先君也

三月公會鄭伯于垂

會者外爲主焉爾

鄭伯以璧假許田

假不言以言以非假也非假而曰假諱易地也禮天子在上諸侯不得以地相與也無田

則無許可知矣不言許不與許也許田者魯朝宿之邑也邴者鄭伯之所受命而祭泰山之邑也用見魯之不朝於周而鄭之不祭泰山也

夏四月丁未公及鄭伯盟于越

及者內爲志焉爾越盟地之名也

秋大水

高下有水災曰大水

冬十月

無事焉何以書不遺時也春秋編年四時具而後為年

二年春王正月戊申宋督弑其君與夷

桓無王其曰王何也正與夷之卒也

及其大夫孔父

孔父先死其曰及何也書尊及卑春秋之義也孔父之先死何也督欲弑君而恐不立於是乎先殺孔父孔父闕也何以知其先殺孔父也日子既死父不忍稱其名臣既死君不忍稱其名以是知君之累之也孔氏父字謚也或曰其不稱名蓋為祖諱也孔子故宋也

開釋

不任也

孔又嘉為孔子六世祖

滕子來朝

三月公會齊侯陳侯鄭伯于稷以成宋亂

以者內為志焉爾公為志乎成是亂也此成矣取不成事之辭而加之焉於內之惡而君子無遺焉爾

夏四月取郟大鼎于宋戊申納于太廟

桓內弑其君外成人之亂受賂而退以事其

何休云月亦以世者天海
之再行不有世子者子
也再行也

子治名叔長少子五日
以妻宋賂

祖非禮也其道以周公為弗受也郟鼎者郟
之所為也曰宋取之宋也以是為討之鼎也
孔子曰名從主人物從中國故曰郟大鼎也
秋七月紀侯來朝

朝時此其月何也桓內弑其君外成人之亂
於是為齊侯陳侯鄭伯討數日以賂已即是
事而朝之惡之故謹而月之也

蔡侯鄭伯會于鄧

九月入杞

我人之也

公及戎盟于唐

冬公至自唐

桓無會而其致何也遠之也

三年春正月公會齊侯于贏

夏齊侯衛侯胥命于蒲

胥之為言猶相也相命而信諭謹言而退以
是為近古也是必一人先其以相言之何也
不以齊侯命衛侯也

言則命也相和理均
新字及通派結去係

六月公會杞侯于郕

秋七月壬辰朔日有食之既

言日言朔食正朔也既者盡也有繼之辭也

公子翬如齊逆女

逆女親者也使大夫非正也

九月齊侯送姜氏于謹

禮送女父不下堂母不出祭門諸母兄弟不

出闕門父戒之曰謹慎從爾舅之言母戒之

曰謹慎從爾姑之言諸母般申之曰謹慎從

張為也所以為教夕以須以宿守姑三月

爾父母之言送女踰竟非禮也

公會齊侯于謹

無譏乎曰為禮也齊侯來也公之逆而會之

可也

夫人姜氏至自齊

其不言翬之以來何也公親受之于齊侯也

子貢曰冕而親迎不已重乎孔子曰合二姓

之好以繼萬世之後何謂已重乎

冬齊侯使其弟年來聘

有年

五穀皆熟為有年也

四年春正月公狩于郎

四時之田皆為宗廟之事也春日田夏日苗

秋日蒐冬日狩四時之田用三焉唯其所先

得一為乾豆二為賓客三為充君之庖

夏天王使宰渠伯糾來聘

五年春正月甲戌巳丑陳侯鮑卒

鮑卒何為以二日卒之春秋之義信以傳信

國史指去文辟病
曆行

疑以傳疑陳侯以甲戌之日出巳丑之日得

不知死之日故舉二日以包也

夏齊侯鄭伯如紀

天王使任叔之子來聘

任叔之子者錄父以使子也故微其君臣而

著其父子不正父在子代使之辭也

葬陳桓公

城祝丘

秋蔡人衛人陳人從王伐鄭

穀梁傳

卷二

六

冀州者天下之中州也
若夏商皆都于此其地
是天子之宮也鄭則
古者天子則都於
之曰名曰鄭之長徒
冀州之北往則居之
不都其地也乃以冀州
言之

舉從者之辭也其舉從者之辭何也為天王
諱伐鄭也鄭同姓之國也在于冀州於是不
服為天子病矣

大雩

螽

螽蟲災也甚則月不甚則時

冬州公如曹

外相如不書此其書何也過我也

六年春正月寔來

寔來者是來也何謂是來謂州公也其謂之
是來何也以其畫我故簡言之也諸侯不以
過相朝也

夏四月公會紀侯于郕

秋八月壬午大閱

大閱者何閱兵車也脩教明諭國道也平而
脩戎事非正也其日以為崇武故謹而日之
蓋以觀婦人也

蔡人殺陳佗

穀梁傳

卷二

七

本而不取
重是相也言於遠

宋 宣和 月 叔 志 遠 大 使 表

時 人 傳

陳佗者陳君也其曰陳佗何也匹夫行故匹夫稱之也其匹夫行柰何陳侯熹獵淫獵于蔡與蔡人爭禽蔡人不知其是陳君也而殺之何以知其是陳君也兩下相殺不道其不地於蔡也

九月丁卯子同生

疑故志之時曰同乎人也

冬紀侯來朝

七年春二月己亥焚咸丘

其不言邾咸丘何也疾其以火攻也

夏穀伯綏來朝

鄧侯吾離來朝

其名何也失國也失國則其以朝言之何也嘗以諸侯與之接矣雖失國弗損吾異日也

八年春正月己卯烝

烝冬事也春與之志不時也

天王使家父來聘

夏五月丁丑烝

烝冬事也春夏興之黷祀也志不敬也

秋伐邾

冬十月雨雪

祭公來遂逆王后于紀

其不言使焉何也不正其以宗廟之大事即

謀於我故弗與使也遂繼事之辭也其曰遂

逆王后故略之也或曰天子無外王命之則

成矣

九年春紀季姜歸于京師

中法與子婚

為之中者歸之也

夏四月

秋七月

冬曹伯使其世子射姑來朝

朝不言使言使非正也使世子伉諸侯之禮

而來朝曹伯失正矣諸侯相見曰朝以待人

父之道待人之子以內為失正矣內失正曹

伯失正世子可以已矣則是故命也尸子曰

夫已多乎道

又有子于則身不陷於
不承時此處又命可

十年春王正月庚申曹伯終生卒

桓無王其曰王何也正終生之卒也

夏五月葬曹桓公

秋公會衛侯于桃丘弗遇

弗遇者志不相得也弗內辭也

冬十有二月丙午齊侯衛侯鄭伯來戰于郎

來戰者前定之戰也內不言戰言戰則敗也

不言其人以吾敗也不言及者爲內諱也

十有一年春正月齊人衛人鄭人盟于惡曹

夏五月癸未鄭伯寤生卒

秋七月葬鄭莊公

九月宋人執鄭祭仲

宋人者宋公也其曰人何也貶之也

突歸于鄭

曰突賤之也曰歸易辭也祭仲易其事權在

祭仲也死君難臣道也今立惡而黜正惡祭

仲也

鄭忽出奔衛

鄭忽者世子忽也其名失國也

柔會宋公陳侯蔡叔盟于折

柔者何吾大夫之未命者也

公會宋公于夫鍾

冬十有二月公會宋公于闕

十有二年春正月

夏六月壬寅公會紀侯莒子盟于曲池

秋七月丁亥公會宋公燕人盟于穀丘

八月壬辰陳侯躍卒

公會宋公于虛

冬十有一月公會宋公于龜

丙戌公會鄭伯盟于武父

丙戌衛侯晉卒

再稱日決日義也

十有二月及鄭師伐宋丁未戰于宋

非與所與伐戰也不言與鄭戰恥不和也於

伐與戰敗也內諱敗舉其可道者也

十有三年春二月公會紀侯鄭伯已巳及齊侯

決日謂之決日

也

鄭子曰紀者心時我王
名紀門下

宋公衛侯燕人戰齊師宋師衛師燕師敗績
其言及者由內及之也其曰戰者由外言之
也戰稱人敗稱師重衆也其不地於紀也

三月葬衛宣公

夏大水

秋七月

冬十月

十有四年春正月公會鄭伯于曹

無冰

無冰時燠也

夏五

鄭伯使其弟禦來盟

諸侯之尊弟兄不得以屬通其弟云者以其
來我舉其貴者也來盟前定也不日前定之
盟不日孔子曰聽遠音者聞其疾而不聞其
舒望遠者察其貌而不察其形立乎定哀以
指隱桓隱桓之日遠矣夏五傳疑也

秋八月壬申御廩災

乙亥嘗

御廩之災不志此其志何也以爲唯未易災之餘而嘗可也志不敬也天子親耕以共粢盛王后親蠶以共祭服國非無良農工女也以爲人之所盡事其祖禰不若以已所自親者也何用見其未易災之餘而嘗也曰甸粟而內之三宮三宮米而藏之御廩夫嘗必有兼甸之事焉壬申御廩災乙亥嘗以爲未易災之餘而嘗也

甸師三宮三夫人嘗也
宗廟之禮夫親而夫人
親也
納粟者甸師而夫人親
去也曰甸

冬十有二月丁巳齊侯祿父卒

宋人以齊人蔡人衛人陳人伐鄭

以者不以者也民者君之本也使人以其死非正也

十有五年春二月天王使冢父來求車

古者諸侯時獻于天子以其國之所有故有辭讓而無徵求求車非禮也求金甚矣

三月乙未天王崩

夏四月己巳葬齊僖公

五月鄭伯突出奔蔡

譏奪正也

鄭世子忽復歸于鄭

反正也

許叔入于許

許叔許之貴者也莫宜乎許叔其曰入何也其歸之道非所以歸也

公會齊侯于高

邾人牟人葛人來朝

秋九月鄭伯突入于櫟

冬十有一月公會宋公衛侯陳侯于袤伐鄭地而後伐疑辭也非其疑也

十有六年春正月公會宋公蔡侯衛侯于曹

夏四月公會宋公衛侯陳侯蔡侯伐鄭

秋七月公至自伐鄭

桓無會其致何也危之也

冬城向

十有一月衛侯朔出奔齊

通王命已死又按

朔之名惡也天子召而不往也

十有七年春正月丙辰公會齊侯紀侯盟于黃

二月丙午公及邾儀父盟于越

夏五月丙午及齊師戰于郎

內諱敗舉其可道者也不言其人以吾敗也

不言及之者為內諱也

六月丁丑蔡侯封人卒

秋八月蔡季自陳歸于蔡

蔡季蔡之貴者也自陳陳有奉焉爾

秋師之恥也

癸巳葬蔡桓侯

及宋人衛人伐邾

冬十月朔日有食之

言朔不言日食既朔也

十有八年春王正月公會齊侯于濼

公與夫人姜氏遂如齊

濼之會不言及夫人何也以夫人之仇弗稱

數也

夏四月丙子公薨于齊

孫仇之奇也

外語在平不言也

按及也... 未國... 存

月... 則... 諡... 方... 子...
之... 逆... 天子... 送... 于... 南... 郊... 所...
大... 以... 諡...

東漢傳

卷二

其地於外也薨稱公舉上也

丁酉公之喪至自齊

秋七月

冬十有二月己丑葬我君桓公

葬我君接上下也君弑賊不討不書葬此其
言葬何也不責踰國而討于是也桓公葬而
後舉謚謚所以成德也於卒事乎加之矣知
者慮義者行仁者守有此三者備然後可以
會矣


二卷終



穀梁傳莊公卷之三

元年春王正月

繼弑君不言卽位正也繼弑君不言卽位之
爲正何也曰先君不以其道終則子不忍卽
位也



三月夫人孫于齊

孫之爲言猶孫也諱奔也接練時錄母之變
始人之也不言氏姓貶之也人之於天也以
道受命於人也以言受命不若於道者天絕

感夫人孫于齊耶

者順

之也不若於言者人絕之也臣子大受命

夏單伯逆王姬

單伯者何吾大夫之命乎天子者也命大夫故不名也其不言如何也其義不可受於京師也其義不可受於京師何也曰躬君弒於齊使之主婚姻與齊爲禮其義固不可受也秋築王姬之館于外

築禮也于外非禮也築之爲禮何也主王姬者必自公門出於廟則已尊於寢則已卑爲之築節矣築之外變之正也築之外變之爲正何也仇讐之人非所以接婚姻也衰麻非所以接弁冕也其不言齊侯之來逆何也不使齊侯得與吾爲禮也

冬十月乙亥陳侯林卒

諸侯日卒正也

王使榮叔來錫桓公命

禮有受命無來錫命錫命非正也生服之死行之禮也生不服死追錫之不正甚矣

王姬歸于齊

為之中者歸之也

齊師遷紀邾鄆部

紀國也邾鄆部國也或曰遷紀于邾鄆部

二年春王二月葬陳莊公

夏公子慶父帥師伐於餘丘

國而曰伐於餘丘邾之邑也其曰伐何也公

子貴矣師重矣而敵人之邑公子病矣病公

子所以譏乎公也其一日君在而重之也

秋七月齊王姬卒

為之主者卒之也

冬十有二月夫人姜氏會齊師于禚

婦人既嫁不踰竟踰竟非正也婦人不言會

言會非正也饗甚矣

乙酉宋公馮卒

三年春王正月溺會齊侯伐衛

溺者何也公子溺也其不稱公子何也惡其

會仇讎而伐同姓故貶而名之也

王姬有及夫之是也
西、服、大、功

夏四月葬宋莊公

月葬故也

五月葬桓王

傳曰改葬也改葬之禮總舉下緬也或曰郤尸以求諸侯天子志崩不志葬必其時也何必焉舉天下而葬一人其義不疑也志葬故也危不得葬也日近不失崩不志崩失天下也獨陰不生獨陽不生獨天不生三合然後生故曰毋之子也可天之子也可尊者取尊

傳于七年

總五服最下江熙曰緬
視遠也天子諸侯易服
而差以爲文於神廟者
亦自能以次其猶太家
故改葬之禮于改葬
移所以也
名詐系阿不遠外也
命之不偷由不至夫
終亦不子
至也克信之托也

稱焉卑者取卑稱焉其曰王者民之所歸往也

秋紀季以鄆入于齊

鄆紀之邑也入于齊者以鄆事齊也入者內弗受也

冬公次于郎

次止也有畏也欲救紀而不能也

四年春王二月夫人姜氏饗齊侯于祝丘

饗甚矣饗齊侯所以病齊侯也

新編傳 卷三 四
三月紀伯姬卒

外夫人不卒此其言卒何也吾女也適諸侯則尊同以吾爲之變卒之也

夏齊侯陳侯鄭伯遇于垂

紀侯大去其國

大去者不遺一人之辭也言民之從者四年而後畢也紀侯賢而齊侯滅之不言滅而曰大去其國者不使小人加乎君子

六月乙丑齊侯葬紀伯姬

外夫人不書葬此其書葬何也吾女也失國故隱而葬之

秋七月

冬公及齊人狩于郕

齊人者齊侯也其曰人何也卑公之敵所以卑公也何爲卑公也不復讎而怨不釋刺釋怨也

五年春王正月

夏夫人姜氏如齊師

師而曰如衆也婦人既嫁不踰竟踰竟非禮也

秋郟黎來來朝

郟國也黎來微國之君未爵命者也

冬公會齊人宋人陳人蔡人伐衛

是齊侯宋公也其曰人何也人諸侯所以人公也其人公何也逆天王之命也

六年春王三月王人子突救衛

王人卑者也稱名貴之也善救衛也救者善則伐者不正矣

夏六月衛侯朔入于衛

其不言伐衛納朔何也不逆天王之命也入者內弗受也何用弗受也爲以王命絕之也朔之名惡也朔入逆則出順矣朔出入名以王命絕之也

秋公至自伐衛

惡事不致此其致何也不致則無用見公之惡事之成也

螟

冬齊人來歸衛寶

以齊首之分惡於齊也使之如下齊而來我

然惡戰則殺矣

七年春夫人姜氏會齊侯于防

婦人不會會非正也

夏四月辛卯昔恒星不見

恒星者經星也日入至於星出謂之昔不見者可以見也

夜中星隕如雨

其隕也如雨是夜中與春秋著以傳著疑以傳疑中之幾也而曰夜中者者焉爾何用見其中也失變而錄其時則夜中矣其不曰恒星之隕何也我知恒星之不見而不知其隕也我見其隕而接於地者則是雨說也著於上見於下謂之雨著於下不見於上謂之隕豈雨說哉

秋大水

此星夜之也而浴之已
隕之時極深漏刻以上
者

五則月有於于而
於法王極而之其子
於王人我此左賦

苗亦假二苗

高下有水災曰大水

無麥苗

麥苗同時也

冬夫人姜氏會齊侯于穀

婦人不會會非正也

八年春王正月師次于郎以俟陳人蔡人

次止也俟待也

甲午治兵

出曰治兵習戰也入曰振旅習戰也治兵而

陳蔡不至矣兵事以嚴終故曰善陳者不戰此之謂也善為國者不師善師者不陳善陳者不戰善戰者不死善死者不亡

夏師及齊師圍邾邾降于齊師

其曰降于齊師何不使齊師加威於邾也

秋師還

還者事未畢也遯也

冬十有一月癸未齊無知弑其君諸兒

大夫弑其君以國氏者嫌也弑而代之也

同此二句

使亦不平于中

九年春齊人殺無知

無知之挈失嫌也稱人以殺大夫殺有罪也公及齊大夫盟于暨

公不及大夫大夫不名無君也盟納子糾也不日其盟渝也當齊無君制在公矣當可納而不納故惡內也

夏公伐齊納糾

當可納而不納齊變而後伐故乾時之戰不諱敗惡內也

齊小白入于齊

大夫出奔反以好曰歸以惡曰入齊公孫無知弑襄公公子糾公子小白不能存出亡齊人殺無知而迎公子糾於魯公子小白不讓公子糾先入又殺之于魯故曰齊小白入于齊惡之也

秋七月丁酉葬齊襄公

八月庚申及齊師戰于乾時我師敗績

九月齊人取子糾殺之

外不言取言取病內也取易辭也猶曰取其子糾而殺之云爾十室之邑可以逃難百室之邑可以隱死以千乘之魯而不能存子糾以公為病矣

冬浚洙

浚洙者深洙也著力不足也

十年春王正月公敗齊師于長勺

不日疑戰也疑戰而曰敗勝內也

二月公侵宋

不日而以此詐也

侵時此其月何也乃深其怨於齊又退侵宋以眾其敵惡之故謹而月之

三月宋人遷宿

遷亡辭也其不地宿不復見也遷者猶未失其國家以往者也

夏六月齊師宋師次于郎

次止也畏我也

公敗宋師于乘丘

不日疑戰也疑戰而曰敗勝內也

秋九月荆敗蔡師于莘以蔡侯獻武歸

荆者楚也何爲謂之荆狄之也何爲狄之聖人立必後至天子弱必先叛故曰荆狄之也蔡侯何以名也絕之也何爲絕之獲也中國不言敗此其言敗何也中國不言敗蔡侯其見獲乎其言敗何也釋蔡侯之獲也以歸猶愈乎執也

冬十月齊師滅譚譚子奔莒

十有一年春王正月

夏五月戊寅公敗宋師于鄆

內事不言戰舉其大者其日成敗之也宋萬之獲也

秋宋大水

外災不書此何以書王者之後也高下有水災曰大水

冬王姬歸于齊

其志過我也

十有二年春王三月紀叔姬歸于鄆

國而曰歸此邑也其曰歸何也吾女也失國喜得其所故言歸焉爾

夏四月

秋八月甲午宋萬弑其君捷

宋萬宋之卑者也卑者以國氏

及其大夫仇牧

以尊及卑也仇牧閑也

冬十月宋萬出奔陳

十有三年春齊人宋人陳人蔡人邾人會于北杏

是齊侯宋公也其曰人何也始疑之何疑焉桓非受命之伯也將以事授之者也曰可矣乎未乎舉人衆之辭也

夏六月齊人滅遂

遂國也其不曰微國也

秋七月

冬公會齊侯盟于柯

曹劌之盟也信齊侯也桓盟雖內與不日信也

十有四年春齊人陳人曹人伐宋

夏單伯會伐宋

會事之成也

秋七月荆入蔡

荆者楚也其曰荆何也州舉之也州不如國國不如名名不如字

冬單伯會齊侯宋公衛侯鄭伯于鄆

復同會也

十有五年春齊侯宋公陳侯衛侯鄭伯會于鄆

復同會也

夏夫人姜氏如齊

婦人既嫁不踰竟踰竟非禮也

秋宋人齊人邾人伐郟

鄭人侵宋

冬十月

十有六年春王正月

夏宋人齊人衛人伐鄭

秋荆伐鄭

此言外疑也。注云。在也。推極。亦。志。不。事。也。亦。內。同。一。條。察。注。在。也。

穀梁傳 卷三 冬十有二月會齊侯宋公陳侯衛侯鄭伯許男曹伯滑伯滕子同盟于幽

同者有同也同尊周也不言公外內察一疑之也

邾子克卒

其日子進之也

十有七年春齊人執鄭詹

人者衆辭也以人執與之辭也鄭詹鄭之卑者卑者不志此其志何也以其逃來志之也

逃來則何志焉將有其末不得不錄其本也

鄭詹鄭之佞人也

夏齊人殲于遂

殲者盡也然則何為不言遂人盡齊人也無遂之辭也無遂則何為言遂其猶存遂也存遂奈何曰齊人滅遂使人戍之遂之因氏飲戍者酒而殺之齊人殲焉此謂狎敵也

秋鄭詹自齊逃來

逃義曰逃

冬多麋

十有八年春王三月日有食之

不言日不言朔夜食也何以知其夜食也日

王者朝日故雖為天子必有尊也貴為諸侯

必有長也故天子朝日諸侯朝朔

夏公追戎于濟西

其不言戎之伐我何也以公之追之不使戎

邇於我也于濟西者大之也何大焉為公之

追之也

天子言見於日于東門之北形偏之書與存也

魯公追戎三逐生于而越婦人易泥於于地易發

魯公追戎三逐生于而越婦人易泥於于地易發

不文其正名

秋有蜚

一有一亡曰有蜚射人者也

舍沙射人入人皮膚其瘡曰疥

冬十月

十有九年春王正月

夏四月

秋公子結媵陳人之婦于鄆遂及齊侯宋公盟

媵淺事也不志此其志何也辟要盟也何以

見其辟要盟也媵禮之輕者也盟國之重也

以輕事遂乎國重無說其曰陳人之婦略之

也其不日數渝惡之也

夫人姜氏如莒

婦人既嫁不踰竟踰竟非正也

冬齊人宋人陳人伐我西鄙

其曰鄙遠之也其遠之何也不以難邇我國也

二十年春王二月夫人姜氏如莒

婦人既嫁不踰竟踰竟非正也

夏齊大災

其志以甚也

秋七月

冬齊人伐我

二十有一年春王正月

夏五月辛酉鄭伯突卒

秋七月戊戌夫人姜氏薨

婦人葬目也

冬十有二月葬鄭厲公

二十有二年春王正月肆大眚

江也曰不題目又為葬也

肆失也青災也災紀也失故也為嫌天子之葬也

癸丑葬我小君文姜

小君非君也其曰君何也以其為公配可以言小君也

陳人殺其公子禦寇

言公子而不言大夫公子未命為大夫也其曰公子何也公子之重視大夫命以執公子

既命

夏五月

秋七月丙申及齊高傒盟于防

不言公高傒伉也

冬公如齊納幣

納幣大夫之事也禮有納采有問名有納徵有告期四者備而後娶禮也公之親納幣非禮也故譏之

二十有三年春公至自齊

祭叔來聘

其不言使何也天子之內臣也不正其外交

故不與使也

夏公如齊觀社

常事曰視非常曰觀觀無事之辭也以是為尸女也無事不出竟

公至自齊

公如往時正也致月故也如往月致月有懼焉爾

荆人來聘

善累而後進之其曰人何也舉道不待再

公及齊侯遇于穀

及者內為志焉爾遇者志相得也

蕭叔朝公

微國之君未爵命者其不言來於外也朝於廟正也於外非正也

秋丹桓宮楹

禮天子諸侯黝堊大夫倉士黹丹楹非禮也冬十有一月曹伯射姑卒

十有二月甲寅公會齊侯盟于扈

是在而白辭

尸女也無事不出竟

棟椽也。方曰棟，方曰椽。

二十有四年春王三月刻桓宮楹

禮天子之棟斲之，斲之加密石焉。諸侯之棟斲之，斲之大夫斲之，士斲之。本刻棟非正也。夫人所以崇宗廟也，取非禮與非正而加之於宗廟以飾夫人，非正也。刻桓宮楹，丹桓宮楹，斥言桓宮以惡莊也。

葬曹莊公

夏公如齊逆女

親迎，恒事也不志，此其志何也不正。其親迎

於齊也。

秋公至自齊

迎者行見諸舍，見諸先至非正也。

八月丁丑夫人姜氏入

入者內弗受也。日入惡入者也。何用不受也？以宗廟弗受也。其以宗廟弗受何也？娶仇人子弟以薦舍於前，其義不可受也。

戊寅大夫宗婦覲用幣

覲見也。禮大夫不見，夫人不言及不正其行。

為進舍寘

段梁傳

卷三

十九

上大夫用羔其從厚帥而不克也上大夫用雁其從厚帥而不可也士用雉其從厚帥而不可也大夫用羊其從厚帥而不可也士用雞其從厚帥而不可也大夫用雁其從厚帥而不可也士用雞其從厚帥而不可也大夫用雁其從厚帥而不可也士用雞其從厚帥而不可也

婦道故列數之也男子之贄羔鴈雉膾婦人之贄棗栗鍛脩用幣非禮也用者不宜用者也大夫國體也而行婦道惡之故謹而日之也

大水

冬戎侵曹曹羈出奔陳赤歸于曹郭公

赤蓋郭公也何為名也禮諸侯無外歸之義外歸非正也

二十有五年春陳侯使女叔來聘

其不名何也天子之命大夫也

夏五月癸丑衛侯朔卒

六月辛未朔日有食之

言日言朔食正朔也

鼓用牲于社

鼓禮也用牲非禮也天子救日置五麾陳五兵五鼓諸侯置三麾陳三鼓三兵大夫擊門士擊柝言克其陽也

伯姬歸于杞

庚旌隨也五女才與能補之夫

其不言逆何也逆之道微無足道焉爾

秋大水鼓用牲于社于門

高下有水災曰大水旣戒鼓而駟衆用牲可以已矣救日以鼓兵救水以鼓衆

冬公子友如陳

二十有六年春公伐戎

夏公至自伐戎

曹殺其大夫

言大夫而不稱名姓無命大夫也無命大夫

而曰大夫賢也爲曹羈崇也

秋公會宋人齊人伐徐

冬十有二月癸亥朔日有食之

二十有七年春公會杞伯姬于洮

夏六月公會齊侯宋公陳侯鄭伯同盟于幽

同者有同也同尊周也於是而後授之諸侯也其授之諸侯何也齊侯得衆也桓會不致安之也桓盟不日信之也信其信仁其仁衣裳之會十有一未嘗有歃血之盟也信厚也

兵車之會四未嘗有大戰也愛民也

秋公子友如陳葬原仲

言葬不言卒不葬者也不葬而曰葬諱出奔也

冬杞伯姬來

莒慶來逆叔姬

諸侯之嫁子於大夫主大夫以與之來者接內也不正其接內故不與夫婦之稱也

杞伯來朝

公會齊侯于城濮

二十有八年春王三月甲寅齊人伐衛衛人及齊人戰衛人敗績

於伐與戰安戰也戰衛戰則是師也其曰人何也微之也何為微之也今授之諸侯而後

有侵伐之事故微之也其人衛何也以其人齊不可不人衛也衛小齊大其以衛及之何也以其微之可以言及也其稱人以敗何也

不以師敗於人也

引于伐衛之時而都於
與文或可也或不可也
則若子

夏四月丁未邾子瑣卒

秋荆伐鄭

荆者楚也其曰荆州舉之也

公會齊人宋人救鄭

善救鄭也

冬築微

山林藪澤之利所以與民共也虞之非正也

大無麥禾

徐邈曰冬无禾夫於是積穀以夏大无也

大者有顧之辭也於無禾及無麥也

臧孫辰告糴于齊

國無三年之畜曰國非其國也一年不升告

糴諸侯告請也糴糴也不正故舉臧孫辰以

為私行也國無九年之蓄曰不足無六年之

畜曰急無三年之畜曰國非其國也諸侯無

粟諸侯相歸粟正也臧孫辰告糴于齊告然

後與之言內之無外交也古者稅什一豐年

補敗不外求而上下皆足也雖累凶年民弗

病也一年不艾而百姓饑君子非之不言如

艾穫也

為內諱也

二十有九年春新延廡

延廡者法廡也其言新有故也有故則何為書也古之君人者必時視民之所勤民勤於力則功築罕民勤於財則貢賦少民勤於食則百事廢矣冬築微春新延廡以其用民力為已悉矣

夏鄭人侵許

秋有蜚

南方具忘之字以也
春大臣治波有具忘之

一有一亡曰有

冬十有二月紀叔姬卒

成諸及防

可城也以大及小也

三十年春王正月

夏師次于成

次止也有畏也欲救鄆而不能也不言公耻不能救鄆也

秋七月齊人降鄆

降猶下也鄆紀之遺邑也

八月癸亥葬紀叔姬

不日卒而曰葬閔紀之亡也

九月庚午朔日有食之鼓用牲于社

冬公及齊侯遇于魯濟

及者內爲志焉爾遇者志相得也

齊人伐山戎

齊人者齊侯也其曰人何也愛齊侯乎山戎也其愛之何也桓內無因國外無從諸侯而

越千里之險北伐山戎危之也則非之乎善之也何善乎爾燕周之分子也貢職不至山戎爲之伐矣

三十有一年春築臺于郎

夏四月薛伯卒

築臺于薛

六月齊侯來獻戎捷

齊侯來獻捷者內齊侯也不言使內與同不言使也獻戎捷軍得曰捷戎救也

秋築臺于秦

不正罷民三時虞山林藪澤之利且財盡則怨力盡則懟君子危之故謹而志之也或曰倚諸桓也桓外無諸侯之變內無國事越千里之險北伐山戎爲燕辟地魯外無諸侯之變內無國事一年罷民三時虞山林藪澤之利惡內也

冬不雨

三十有二年春城小穀

夏宋公齊侯遇于梁丘

遇者志相得也梁丘在曹邾之間去齊八百里非不能從諸侯而往也辭所遇遇所不遇大齊桓也

秋七月癸巳公子牙卒

八月癸亥公薨于路寢

路寢正寢也寢疾居正寢正也男子不絕于婦人之手以齊終也

冬十月乙未子般卒

子卒日正也不日故也有所見則日

公子慶父如齊

此奔也其日如何也諱莫如深深則隱苟有
所見莫如深也

狄伐邢

穀梁傳莊公卷第三

穀梁傳閔公卷第四

元年春王正月

繼弑君不言卽位正也親之非父也尊之非君也繼之如君父也者受國焉爾

齊人救邢

善救邢也

夏六月辛酉葬我君莊公

莊公葬而後舉謚謚所以成德也於卒事乎加之矣

秋八月公及齊侯盟于洛姑

盟納季子也

季子來歸

其曰季子貴之也其曰來歸喜之也

冬齊仲孫來

其曰齊仲孫外之也其不目而曰仲孫疏之也其言齊以累桓也

二年春王正月齊人遷陽

夏五月乙酉吉禘于莊公

吉禘者不吉者也喪事未畢而舉吉祭故非之也

秋八月辛丑公薨

不地故也其不書葬不以討毋葬子也

九月夫人姜氏孫于邾

孫之爲言猶孫也諱奔也

公子慶父出奔莒

其曰出絕之也慶父不復見矣

冬齊高子來盟

其曰來喜之也其曰高子貴之也盟立僖公
也不言使何也不以齊侯使高子也

十有二月狄入衛

鄭棄其師

惡其長也兼不反其衆則是棄其師也

穀梁傳閔公卷第四

穀梁傳閔公卷第四



穀梁傳僖公卷第五

元年春王正月

繼弒君不言卽位正也

齊師宋師曹師次于聶北救邢

救不言次言次非救也非救而曰救何也遂
齊侯之意也是齊侯與齊侯也何用見其是
齊侯也曹無師曹師者曹伯也其不言曹伯
何也以其不言齊侯不可言曹伯也其不言
齊侯何也以其不足乎揚不言齊侯也

救不言次不足乎揚



穀梁傳 卷第五

夏六月邢遷于夷儀

遷者猶得其國家以往者也其地邢復見也

齊師宋師曹師城邢

是向之師也使之如改事然美齊侯之功也

秋七月戊辰夫人姜氏薨于夷

夫人薨不地地故也

齊人以歸

不言以喪歸非以喪歸也加喪焉諱以夫人

歸也其以歸薨之也

言人突以夫人為殺之於齊
為在亮也也使不日以歸
齊人歸之亮也故言人歸
幸為可

楚人伐鄭

八月公會齊侯宋公鄭伯曹伯邾人于榿

九月公敗邾師于偃

不日疑戰也疑戰而曰敗勝內也

冬十月壬午公子友帥師敗莒師于麗獲莒挈

莒無大夫其曰莒挈何也以吾獲之目之也

內不言獲此其言獲何也惡公子之給給者

柰何公子友謂莒挈曰吾二人不相說士卒

何罪屏左右而相搏公子友處下左右曰孟

給給給也

得于得也

給給乃友

勞孟勞者魯之寶刀也公子友以殺之然則何以惡乎給也曰棄師之道也

十有二月丁巳夫人氏之喪至自齊

其不言姜以其殺二子貶之也或曰爲齊桓諱殺同姓也

二年春王正月城楚丘

楚丘者何衛邑也國而曰城此邑也其曰城何也封衛也則其不言城衛何也衛未遷也其不言衛之遷焉何也不與齊侯專封也其

言城之者專辭也故非天子不得專封諸侯諸侯不得專封諸侯雖通其仁以義而不與也故曰仁不勝道

夏五月辛巳葬我小君哀姜

虞師晉師滅夏陽

非國而曰滅重夏陽也虞無師其曰師何也以其先晉不可以不言師也其先晉何也爲主乎滅夏陽也夏陽者虞虢之塞邑也滅夏陽而虞虢舉矣虞之爲主乎滅夏陽何也晉

獻公欲伐虢荀息曰君何不以屈產之乘垂棘之璧而借道乎虞也公曰此晉國之寶也如受吾幣而不借吾道則如之何荀息曰此小國之所以事大國也彼不借吾道必不敢受吾幣如受吾幣而借吾道則是我取之中府而藏之外府取之中廢而置之外廢也公曰宮之竒存焉必不使受之也荀息曰宮之竒之爲人也達心而懦又少長於君達心則其言略懦則不能彊諫少長於君則君輕之

且夫玩好在耳目之前而患在一國之後此中知以上乃能慮之臣料虞君中知以下也公遂借道而伐虢宮之竒諫曰晉國之使者其辭卑而幣重必不便於虞虞公弗聽遂受其幣而借之道宮之竒諫曰語曰唇亡則齒寒其斯之謂與挈其妻子以奔曹獻公亡虢五年而後舉虞荀息牽馬操璧而前曰璧則猶是也而馬齒加長矣

秋九月齊侯宋公江人黃人盟于貫

貫之盟不期而至者江人黃人也江人黃人者遠國之辭也中國稱齊宋遠國稱江黃以為諸侯皆來至也

冬十月不雨

不雨者勤雨也

楚人侵鄭

三年春王正月不雨

不雨者勤雨也

夏四月不雨

一時言不雨者閔雨也閔雨者有志乎民者也

徐人取舒

六月雨

雨云者喜雨也喜雨者有志乎民者也

秋齊侯宋公江人黃人會于陽穀

陽穀之會桓公委端摺笏而朝諸侯諸侯皆

諭乎桓公之志

魯天子以球玉在左以象大夫以兵須天行

冬公子季友如齊蒞盟

其親之冠也諸言諸服按
持也皆以記也亦親肉
道也羊有叔也母進夏
也也也而亦正幅各故
故謂之方湯

莅者位也其不日前定也不言及者以國與之也不言其人亦以國與之也

楚人伐鄭

四年春王正月公會齊侯宋公陳侯衛侯鄭伯許男曹伯侵蔡蔡潰

潰之為言上下不相得也侵淺事也侵蔡而蔡潰以桓公為知所侵也不土其地不分其民明正也

遂伐楚次于陘

遂繼事也次止也

夏許男新臣卒

諸侯死於國不地死於外地死於師何為不地內桓師也

楚屈完來盟于師盟于召陵

楚無大夫其曰屈完何也以其來會桓成之為大夫也其不言使權在屈完也則是正乎曰非正也以其來會諸侯重之也來者何內桓師也于師前定也于召陵得志乎桓公也

菁以爲蕞茅以備酒

漢漢之人以勝、舡、地、如、王、
游、不、記、王、取、任、刑、官、去、過、
漢、漢、取、陽、于、漢、中、

嗚呼社辱下世貌亦有
不厭之心矣

得志者不得志也以桓公得志爲僅矣屈完
曰大國之以兵向楚何也桓公曰昭王南征
不反菁茅之貢不至故周室不祭屈完曰菁
茅之貢不至則諾昭王南征不反我將問諸

江

齊人執陳袁濤塗

齊人者齊侯也其人之何也於是嗚然外齊
侯也不正其踰國而執也

秋及江人黃人伐陳

不言其人及之者何內師也

八月公至自伐楚

有二事偶則以後事致後事小則以先事致
其以伐楚致大伐楚也

葬許穆公

冬十有二月公孫茲帥師會齊人宋人衛人鄭
人許人曹人侵陳

五年春晉侯殺其世子申生

目晉侯斥殺惡晉侯也

斥指斥

杞伯姬來朝其子

婦人既嫁不踰竟踰竟非正也諸侯相見曰朝伯姬爲志乎朝其子則是杞伯失夫之道矣諸侯相見曰朝以待人父之道待人之子非正也故曰杞伯姬來朝其子參譏也

夏公孫茲如牟

公及齊侯宋公陳侯衛侯鄭伯許男曹伯會王世子于首戴

天子之元子猶士也天下之世而貴者

及以會尊之也何尊焉王世子云者唯王之貳也云可以重之存焉尊之也何重焉天子世子世天下也

秋八月諸侯盟于首戴

無中事而復舉諸侯何也尊王世子而不敢與盟也尊則其不敢與盟何也盟者不相信也故謹信也不敢以所不信而加之尊者桓諸侯也不能朝天子是不臣也王世子子也塊然受諸侯之尊已而立乎其位是不子也

徐邈云杞伯亦姓

桓不臣王世子不予則其所善焉何也是則
變之正也天子微諸侯不享覲桓控大國扶
小國統諸侯不能以朝天子亦不敢致天王
尊王世子于首戴乃所以尊天王之命也世
子含王命會齊桓亦所以尊天王之命也世
子受之可乎是亦變之正也天子微諸侯不
享覲世子受諸侯之尊已而天王尊矣世子
受之可也

鄭伯逃歸不盟

以其去諸侯故逃之也

楚人滅弦弦子奔黃

弦國也其不日微國也

九月戊申朔日有食之

冬晉人執虞公

執不言所於地縕於晉也其曰公何也猶曰
其下執之之辭也其猶下執之之辭何也晉
命行乎虞民矣虞虢之相救非相爲賜也今
日亡虢而明日亡虞矣

縕行於不可處之已表至
於受夫曰雖在虞執而不
去其文

有服于受曰送吾命而
執其文

六年春王正月

夏公會齊侯宋公陳侯衛侯曹伯伐鄭圍新城
伐國不言圍邑此其言圍何也病鄭也著鄭
伯之罪也

秋楚人圍許諸侯遂救許

善救許也

冬公至自伐鄭

其不以救許致何也大伐鄭也

七年春齊人伐鄭

夏小邾子來朝

鄭殺其大夫申侯

稱國以殺大夫殺無罪也

秋七月公會齊侯宋公陳世子款鄭世子華盟
于寧母

衣裳之會也

曹伯班卒

公子友如齊

冬葬曹昭公

衣裳之會于寧母之
云四

八年春王正月公會王人齊侯宋公衛侯許男曹伯陳世子款盟于洮

王人之先諸侯何也貴王命也朝服雖敝必加於上弁冕雖舊必加於首周室雖衰必先諸侯兵車之會也

鄭伯乞盟

以向之逃歸乞之也乞者重辭也重是盟也乞者處其所而請與也蓋洵之也

夏狄伐晉

秋七月禘于大廟用致夫人

用者不宜用者也致者不宜致者也言夫人必以其氏姓言夫人而不以氏姓非夫人也立妾之辭也非正也夫人之我可以不夫人之乎夫人卒葬之我可以不卒葬之乎一則以宗廟臨之而後貶焉一則以外之弗夫人而見正焉

冬十有二月丁未天王崩

九年春王三月丁丑宋公禦說卒

洵由右及洵而右之

夏公會宰周公齊侯宋子衛侯鄭伯許男曹伯于葵丘

天子之宰通于四海宋其稱子何也未葬之辭也禮柩在堂上孤無外事今背殯而出會以宋子爲無哀矣

秋七月乙酉伯姬卒

內女也未適人不卒此何以卒也許嫁笄而字之死則以成人之喪治之

九月戊辰諸侯盟于葵丘

桓盟不日此何以日美之也爲見天子之禁故備之也葵丘之盟陳牲而不殺讀書加于牲上壹明天子之禁曰毋雍泉毋訖繹毋易樹子毋以妾爲妻毋使婦人與國事

甲子晉侯詭諸卒

冬晉里克殺其君之子奚齊

其君之子云者國人不子也國人不子何也不正其殺世子申生而立之也

十年春王正月公如齊

狄滅溫溫子奔衛

晉里克弒其君卓及其大夫荀息

以尊及卑也荀息閑也

夏齊侯許男伐北戎

晉殺其大夫里克

稱國以殺罪累上也里克弒二君與一大夫其以累上之辭言之何也其殺之不以其罪也其殺之不以其罪奈何里克所爲弒者爲重耳也夷吾曰是又將殺我乎故殺之不以其

其罪也其爲重耳弒奈何晉獻公伐虢得麗姬獻公私之有二子長曰奚齊稚曰卓子麗姬欲爲亂故謂君曰吾夜者夢夫人趨而來曰吾苦畏胡不使大夫將衛士而衛冢乎公曰吾苦畏胡不使大夫將衛士而衛冢乎公曰孰可使曰臣莫尊於世子則世子可故君謂世子曰麗姬夢夫人趨而來曰吾苦畏女其將衛士而往衛冢乎世子曰敬諾築宮宮成麗姬又曰吾夜者夢夫人趨而來曰吾苦飢世子之宮已成則何爲不使祠也故獻公

謂世子曰其祠世子祠已祠致福於君君田而不在麗姬以醎爲酒藥脯以毒獻公田來麗姬曰世子已祠故致福於君君將食麗姬跪曰食自外來者不可不試也覆酒於地而地賁以脯與犬犬死麗姬下堂而啼呼曰天乎天乎國子之國也子何遲於爲君君喟然歎曰吾與女未有過切是何與我之深也使入謂世子曰爾其圖之世子之傅里克謂世子曰入自明入自明則可以生不入自明則

也
音扶粉反漢河涉起
過卒切念

不可以生世子曰吾君已老矣已昏矣吾若此而入自明則麗姬必死麗姬死則吾君不安所以使吾君不安者吾不若自死吾寧自殺以安吾君以重耳爲寄矣刎脰而死故里克所爲弑者爲重耳也夷吾曰是又將殺我也

秋七月

冬大雨雪

十有一年春晉殺其大夫丕鄭父

稱國以殺罪累上也

夏公及夫人姜氏會齊侯于陽穀

秋八月大雩

雩月正也雩得雨曰雩不得雨曰旱

冬楚人伐黃

十有二年春王正月庚午日有食之

夏楚人滅黃

貫之盟管仲曰江黃遠齊而近楚楚爲利之國也若伐而不能救則無以宗諸侯矣桓公

不聽遂與之盟管仲死楚伐江滅黃桓公不能救故君子閔之也

秋七月

冬十有二月丁丑陳侯杵臼卒

十有三年春秋侵衛

夏四月葬陳宣公

公會齊侯宋公陳侯衛侯鄭伯許男曹伯于鹹
兵車之會也

秋九月大雩

冬公子友如齊

十有四年春諸侯城緣陵

其曰諸侯散辭也聚而曰散何也諸侯城有散辭也桓德衰矣

夏六月季姬及繒子遇于防使繒子來朝

遇者同謀也來朝者來請已也朝不言使言使非正也以病繒子也

秋八月辛卯沙鹿崩

林屬於山為鹿沙山名也無崩道而崩故志

判向日鹿在山下平地

之也其日重其變也

狄侵鄭

冬蔡侯盼卒

諸侯時卒惡之也

十有五年春王正月公如齊

楚人伐徐

三月公會齊侯宋公陳侯衛侯鄭伯許男曹伯盟于牡丘

兵車之會也

遂次于匡

遂繼事也次止也有畏也

公孫敖帥師及諸侯之大夫救徐

善救徐也

夏五月日有食之

秋七月齊師曹師伐厲

八月螽

螽蟲災也甚則月不甚則時

九月公至自會

季姬歸于緡

巳卯晦震夷伯之廟

晦冥也震雷也夷伯魯大夫也因此以見天子至于士皆有廟天子七廟諸侯五大夫三士二故德厚者流光德薄者流卑是以貴始德之本也始封必爲祖

冬宋人伐曹

楚人敗徐于婁林

夷狄相敗志也

十有一月壬戌晉侯及秦伯戰于韓獲晉侯

韓之戰晉侯失民矣以其民未敗而君獲也

十有六年春王正月戊申朔隕石于宋五

先隕而後石何也隕而後石也于宋四竟之

內曰宋後數散辭也耳治也

是月六鷦退飛過宋都

是月者決不日而月也六鷦退飛過宋都先

數聚辭也自治也子曰石無知之物鷦微有

知之物石無知故日之鷦微有知之物故月

記何也其鎮於地則石察之則五

記見也祀之六鷦之

亢承也

之君子之於物無所苟而已石鷦且猶盡其

辭而况於人乎故五石六鷦之辭不設則王

道不亢矣民所聚曰都

三月壬申公子季友卒

大夫日卒正也稱公弟叔仲賢也大夫不言

公子公孫䟽之也

夏四月丙申繒季姬卒

秋七月甲子公孫茲卒

大夫日卒正也

冬十有二月公會齊侯宋公陳侯衛侯鄭伯許男邢侯曹伯于淮

兵車之會也

十有七年春齊人徐人伐英氏

夏滅項

孰滅之桓公也何以不言桓公也爲賢者諱也項國也不可滅而滅之乎桓公知項之可滅也而不知已之不可以滅也旣滅人之國矣何賢乎君子惡惡疾其始善善樂其終桓

公嘗有存亡繼絕之功故君子爲之諱也

秋夫人姜氏會齊侯于卞

九月公至自會

冬十有二月乙亥齊侯小白卒

此不正其日之何也其不正前見矣其不正之前見何也以不正入虛國故稱嫌焉爾十有八年春王正月宋公曹伯衛人邾人伐齊非伐喪也

夏師救齊

在九年齊小白入於齊
取不稱天子意國治齊之
人傳例以國氏者極也

善救齊也

五月戊寅宋師及齊師戰于麇齊師敗績

戰不言伐客不言及言及惡宋也

狄救齊

善救齊也

秋八月丁亥葬齊桓公

冬邠人狄人伐衛

狄其稱人何也善累而後進之伐衛所以救齊也功近而德遠矣

十有九年春王三月宋人執滕子嬰齊

夏六月宋公曹人邾人盟于曹南繒子會盟于

邾已酉邾人執繒子用之

微國之君因邾以求與之盟人因已以求與之盟已迎而執之惡之故謹而日之也用之者叩其鼻以衄社也

秋宋人圍曹

衛人伐邢

冬會陳人蔡人楚人鄭人盟于齊

衄音二解者鼻也取鼻
血以傷於社器叩也

梁亡

自亡也酒於酒淫於色心昏耳目塞上無正
長之治大臣背叛民為寇盜梁亡自亡也如
加力役焉酒不足道也梁亡鄭棄其師我無
加損焉正名而已矣梁亡出惡正也鄭棄其
師惡其長也

二十年春新作南門
作為也有加其度也言新有故也非作也南
門者法門也

夏郟子來朝

五月乙巳酉宮災

謂之新宮則近為禰宮以謚言之則如疏之
然以是為閔宮也

鄭人入滑

秋齊人狄人盟于邢

邢為主焉爾邢小其為主何也其為主乎救
齊

冬楚人伐隨

使伐之而戒亡法酒也
三記也
正以也

此是禰宮之謚也
此是也
此是也

隨國也

二十有一年春狄侵衛

宋人齊人楚人盟于鹿上

夏大旱

旱時正也

秋宋公楚子陳侯蔡侯鄭伯許男曹伯會于雩
執宋公以伐宋

以重辭也

冬公伐邾

楚人使宜申來獻捷

捷軍得也其不曰宋捷何也不與楚捷於宋
也

十有二月癸丑公會諸侯盟于薄

會者外爲主焉爾

釋宋公

外釋不志此其志何也以公之與之盟日之
也不言楚不與楚專釋也

二十有二年春公伐邾取須句

夏宋公衛侯許男滕子伐鄭

秋八月丁未及邾人戰于升陘

內諱敗舉其可道者也不言其人以吾敗也不言及之者爲內諱也

冬十有一月己巳朔宋公及楚人戰于泓宋師敗績

日事遇朔曰朔春秋三十有四戰未有以尊敗乎卑以師敗乎人者也以尊敗乎卑以師敗乎人則驕其敵襄公以師敗乎人而不驕

其敵何也責之也泓之戰以爲復雩之耻也雩之耻宋襄公有以自取之伐齊之喪執滕子圍曹爲雩之會不顧其力之不足而致楚成王成王怒而執之故曰禮人而不答則反其敬愛人而不親則反其仁治人而不治則反其知過而不改又之是謂之過襄公之謂也古者被甲嬰冑非以興國也則以征無道也豈曰以報其耻哉宋公與楚人戰于泓水之上司馬子反曰楚衆我少鼓險而擊之勝

無幸焉。襄公曰：君子不推人危，不攻人厄。須其出，旣出，旌亂於上，陳亂於下。子反曰：楚衆我少，擊之勝，無幸焉。襄公曰：不鼓不成列，須其成列而後擊之，則衆敗而身傷焉。七月而死，倍則攻敵，則戰少則守。人之所以爲人者，言也。人而不能言，何以爲人？言之所以爲言，信也。言而不信，何以爲言？信之所以爲信者，道也。信而不道，何以爲道？道之貴者，時其行勢也。

以正治國以奇
用兵古者
臣夫之謂介
武之人短言

二十有三年春，齊侯伐宋，圍閔。

伐國不言圍，邑此其言圍，何也不正其以惡報惡也。

夏五月庚寅，宋公茲父卒。

茲父之不葬，何也？失民也。其失民何也？以其不教民戰，則是棄其師也。爲人君而棄其師，其民孰以爲君哉？

秋，楚人伐陳。

冬十有一月，杞子卒。

葬衛文公

冬十有二月癸亥公會衛子莒慶盟于洮

莒無大夫其曰莒慶何也以公之會目之也

二十有六年春王正月己未公會莒子衛甯速

盟于向

公不會大夫其曰甯速何也以其隨莒子可

以言會也

齊人侵我西鄙公追齊師至禚弗及

人微者也侵淺事也公之追之非正也至禚

公曰自西及于禚

急辭也弗及者弗與也可以及而不敢及也

其侵也曰人其追也曰師以公之弗及大之

也弗及內辭也

夏齊人伐我北鄙

衛人伐齊

公子遂如楚乞師

乞重辭也何重焉重人之死也非所乞也師

出不必反戰不必勝故重之也

秋楚人滅夔以夔子歸

楚人攻宋圍閔
中道伐宋

夔國也不日微國也以歸猶愈乎執也

冬楚人伐宋圍閔

伐國不言圍邑此其言圍何也以吾用其師
目其事也非道用師也

公以楚師伐齊取穀

以者不以者也民者君之本也使民以其死
非其正也

公至自伐齊

惡事不致此其致之何也危之也

二十有七年春杞子來朝

夏六月庚寅齊侯昭卒

秋八月乙未葬齊孝公

乙巳公子遂帥師入杞

冬楚人陳侯蔡侯鄭伯許男圍宋

楚人者楚子也其曰人何也人楚子所以人
諸侯也其人諸侯何也不正其信夷狄而伐
中國也

十有二月甲戌公會諸侯盟于宋

二十有八年春晉侯侵曹晉侯伐衛

再稱晉侯忌也

公子買戍衛不卒戍刺之

先名後刺殺有罪也公子啓日不卒戍者可
以卒也可以卒而不卒譏在公子也刺之可
也

楚人救衛

三月丙午晉侯入曹執曹伯畀宋人

入者內弗受也日入惡入者也以晉侯而斥

執曹伯惡晉侯也畀與也其日人何也不以

晉侯畀宋公也

夏四月己巳晉侯齊師宋師秦師及楚人戰于

城濮楚師敗績

楚殺其大夫得臣

衛侯出奔楚

五月癸丑公會晉侯齊侯宋公蔡侯鄭伯衛子

莒子盟于踐土

諱會天王也

刺殺也內弗殺大夫也曰
亦有月禮三也

陳侯如會

如會外乎會也於會受命也

公朝于王所

朝不言所言所者非其所也

六月衛侯鄭自楚復歸于衛

自楚楚有奉焉爾復者復中國也歸者歸其所也鄭之名失國也

衛元咺出奔晉

陳侯款卒

秋杞伯姬來

公子遂如齊

冬公會晉侯宋公蔡侯鄭伯陳子莒子邾子秦人于温

諱會天王也

天王守于河陽

全天王之行也為若將守而過諸侯之朝也為天王諱也水北為陽山南為陽温河陽也

壬申公朝於王所

後致天子

以臣召天子不可為訓

溫河為一

以王名天偵仲天下

朝于廟禮也於外非禮也獨公朝與諸侯盡朝也其日以其再致天子故謹而日之主善以內目惡以外言曰公朝逆辭也而尊天子會于溫言小諸侯溫河北地以河陽言之大天子也日繫於月月繫於時壬申公朝于王所其不月失其所繫也以爲晉文公之行事爲已偵矣都西

晉人執衛侯歸之于京師此入而執其不言入何也不外王命於衛也

歸之于京師緩辭也斷在京師也

衛元咺自晉復歸于衛

自晉晉有奉焉爾復者復中國也歸者歸其所也

諸侯遂圍許

遂繼事也

曹伯襄復歸于曹

復者復中國也天子免之因與之會其日復通王命也

遂會諸侯圍許

遂繼事也

二十有九年春介葛盧來

介國也葛盧微國之君未爵者也其曰來卑也

公至自圍許

夏六月公會王人晉人宋人齊人陳人蔡人秦人盟于翟泉

秋大雨雹

冬介葛盧來

三十年春王正月

夏狄侵齊

秋衛殺其大夫元咺

稱國以殺罪累上也以是爲訟君也衛侯在外其以累上之辭言之何也待其殺而後入也

及公子瑕

公子瑕累也以尊及卑也

衛侯鄭歸于衛

晉人秦人圍鄭

介人侵蕭

冬天王使宰周公來聘

天子之宰通于四海

公子遂如京師遂如晉

以尊遂乎卑此言不敢叛京師也

三十有一年春取濟西田

公子遂如晉

夏四月卜郊不從乃免牲猶三望

海也分地澤也海濱

夏四月不時也四卜非禮也免牲者為之緇

衣熏裳有司玄端奉送至于南郊免牛亦然

乃者亡乎人之辭也猶者可以已之辭也

秋七月

冬祀伯姬來求婦

婦人既嫁不踰竟祀伯姬來求婦非正也

狄圍衛

十有二月衛遷於帝丘

郊者春也也宜於山川
名也此其陸界也而郊
言其天地之色也而郊
天位為之于陽也今日地
位曰卜、有夏而亦郊
也卜免也

三十有二年春王正月

夏四月己丑鄭伯捷卒

衛人侵狄

秋衛人及狄盟

冬十有二月己卯晉侯重耳卒

三十有三年春王二月秦人入滑

滑國也

齊侯使國歸父來聘

夏四月辛巳晉人及姜戎敗秦師于殺

涼也

秦有以其文法送一人
所以為百人

不言戰而言敗何也狄秦也其狄之何也秦

越千里之險入虛國進不能守退敗其師徒

亂人子女之教無男女之別秦之為狄自殺

之戰始也秦伯將襲鄭百里子與蹇叔子諫

曰千里而襲人未有不亡者也秦伯曰子之

冢木已拱矣何知師行百里子與蹇叔子送

其子而戒之曰女死必於殺之巖陰之下我

將尸女於是師行百里子與蹇叔子隨其子

而哭之秦伯怒曰何為哭吾師也二子曰非

敢哭師也哭吾子也我老矣彼不死則我死矣晉人與姜戎要而擊之殺匹馬倚輪無反者晉人者晉子也其曰人何也微之也何為微之不正其釋殯而主乎戰也

癸巳葬晉文公

日葬危不得葬也

狄侵齊

公伐邾取訾樓

秋公子遂帥師伐邾

晉人敗狄于箕

冬十月公如齊十有二月公至自齊

乙巳公薨于小寢

小寢非正也

隕霜不殺草

未可殺而殺舉重也可殺而不殺舉輕也

李梅實

實之為言猶實也

晉人陳人鄭人伐許

天在臣權言不殺

天子

穀梁傳

卷五

穀梁傳僖公卷第五

國家圖書館, NATIONAL CENTRAL LIBRARY, TAIWAN, R.O.C.

穀梁傳文公卷第六

元年春王正月公卽位

繼正卽位正也

二月癸亥日有食之

天王使叔服來會葬

葬曰會其志重天子之禮也

夏四月丁巳葬我君僖公

薨稱公舉上也葬我君接上下也僖公葬而後舉謚謚所以成德也於卒事乎加之矣

天王使毛伯來錫公命

禮有受命無來錫命錫命非正也

晉侯伐衛

叔孫得臣如京師

衛人伐晉

秋公孫敖會晉侯于戚

冬十月丁未楚世子商臣弑其君髡

日髡之卒所以謹商臣之弑也夷狄不言正

不正

五臣于身說長

公孫敖如齊

二年春王二月甲子晉侯及秦師戰于彭衙秦

師敗績

丁丑作僖公主

作為也為僖公主也立主喪主於虞吉主於

練作僖公主譏其後也作主壞廟有時日於

練焉壞廟壞廟之道易檐可也改塗可也

三月乙巳及晉處父盟

不言公處父仇也為公諱也何以知其與公

此在春二月地春三
年未於
記過言祖以毀其原以
次而遷將納彭衙神祀亦有
所加

盟以其日也何以不言公之如晉所耻也出不書反不致也

夏六月公孫敖會宋公陳侯鄭伯晉士穀盟于

垂歛主作垂歛

內大夫可以會外諸侯

自十有二月不雨至于秋七月

歷時而言不雨又不憂雨也不憂雨者無志乎民也

八月丁卯大事于大廟躋僖公

拾合也堂秋也拾也
秋也連堂言之者明也
是拾言之也

大事者何大是事也著拾嘗拾祭者毀廟之主陳于大祖未毀廟之主皆升合祭于大祖躋升也先親而後祖也逆祀也逆祀則是無昭穆也無昭穆則是無祖也無祖則無天也故曰文無天無天者是無天而行也君子不以親親害尊尊此春秋之義也

冬晉人宋人陳人鄭人伐秦

公子遂如齊納幣

三年春王正月叔孫得臣會晉人宋人陳人衛

人鄭人伐沈沈潰

夏五月王子虎卒

叔服也此不卒者也何以卒之以其來會葬我卒之也或曰以其嘗執重以守也

秦人伐晉

秋楚人圍江

雨蝨于宋

外災不志此何以志也曰災甚也其甚奈何茅茨盡矣著於上見於下謂之雨

茅茨猶也嘉穀也

冬公如晉

十有二月己巳公及晉侯盟

晉陽處父帥師伐楚救江

此伐楚其言救江何也江遠楚近伐楚所以救江也

四年春公至自晉

夏逆婦姜于齊

其曰婦姜為其禮成乎齊也其逆者誰也親逆而稱婦或者公與何其速婦之也曰公也

其不言公何也非成禮於齊也曰婦有姑之辭也其不言氏何也貶之也何為貶之也夫人與有貶也

狄侵齊

秋楚人滅江

晉侯伐秦

衛侯使甯俞來聘

冬十有一月壬寅夫人風氏薨

五年春王正月王使榮叔歸含且賵

示為尸服所以助弁

含一事也賵一事也兼歸之非正也其曰且志兼也其不言來不周事之用也賵以旱而含已晚

三月辛亥葬我小君成風王使毛伯來會葬

會葬之禮於鄙上

夏公孫敖如晉

秦人入郟

秋楚人滅六

冬十月甲申許男業卒

洋竟王墓王為送葬未

六年春葬許僖公

夏季孫行父如陳

秋季孫行父如晉

八月乙亥晉侯驩卒

冬十月公子遂如晉

葬晉襄公

晉殺其大夫陽處父

稱國以殺罪累上也襄公已葬其以累上之辭言之何也君漏言也上泄則下聞下聞則

上聞且聞且聞無以相通射姑殺者也射姑之殺柰何曰晉將與狄戰使狐射姑爲將軍趙盾佐之陽處父曰不可古者君之使臣也使仁者佐賢者不使賢者佐仁者今趙盾賢射姑仁其不可乎襄公曰諾謂射姑曰吾始使盾佐女今女佐盾矣射姑曰敬諾襄公死處父主竟上事射姑使人殺之君漏言也故士造辟而言詭辭而出曰用我則可不用我則無亂其德

晉狐射姑出奔狄

閏月不告月猶朝于廟

不告月者何也不告朔也不告朔則何爲不言朔也閏月者附月之餘日也積分而成於月者也天子不以告朔而喪事不數也猶之爲言可以已也

七年春公伐邾三月甲戌取須句

取邑不日此其日何也不正其再取故謹而日之也

遂成郟

遂繼事也

夏四月宋公壬臣卒

宋人殺其大夫

稱人以殺誅有罪也

戊子晉人及秦人戰于令狐

晉先蔑奔秦

不言出在外也輟戰而奔秦以是爲逃軍也

狄侵我西鄙

秋八月公會諸侯晉大夫盟于扈
其曰諸侯略之也

冬徐伐莒

公孫敖如莒莅盟

莅位也其曰位何也前定也其不目前定之
盟不日也

八年春王正月

夏四月

秋八月戊申天王崩

冬十月壬午公子遂會晉趙盾盟于衡雍

乙酉公子遂會雒戎盟于暴

公孫敖如京師不至而復丙戌奔莒

不言所至未如也未如則未復也未如而曰
如不廢君命也未復而曰復不專君命也其
如非如也其復非復也唯奔莒之爲信故謹
而日之也

螽

宋人殺其大夫司馬

司馬官也其以官稱無君之辭也

宋司城來奔

司城官也其以官稱無君之辭也來奔者不言出舉其接我也

九年春毛伯來求金

求車猶可求金甚矣

夫人姜氏如齊

二月叔孫得臣如京師

京大也師衆也言周必以衆與大言之也

辛丑葬襄王

天子志崩不志葬舉天下而葬一人其道不疑也志葬危不得葬也日之甚矣其不葬之辭也

晉人殺其大夫先都

三月夫人姜氏至自齊

甲以尊致病文公也

晉人殺其大夫士穀及箕鄭父

稱人以殺誅有罪也鄭父累也

夫人小何不改

楚人伐鄭

公子遂會晉人宋人衛人許人救鄭

夏狄侵齊

秋八月曹伯襄卒

九月癸酉地震

震動也地不震者也震故謹而日之也

冬楚子使蔣來聘

楚無大夫其曰蔣何也以其來我褒之也

秦人來歸僖公成風之襚

秦人弗夫人之也卽外之弗夫人而見正焉

葬曹共公

十年春王三月辛卯臧孫辰卒

夏秦伐晉

楚殺其大夫宜申

自正月不雨至于秋七月

歷時而言不雨文不閔雨也不閔雨者無志乎民也

及蘇子盟于女栗

冬狄侵宋

楚子蔡侯次于厥貉

十有一年春楚子伐麋

夏叔彭生會晉卻缺于承匡

秋曹伯來朝

公子遂如宋

狄侵齊

冬十月甲午叔孫得臣敗狄于鹹

不言帥師而言敗何也直敗一人之辭也一

佚言大結反猶文也

創初羊五

人而曰敗何也以衆焉言之也傳曰長狄也

弟兄三人佚宕中國瓦石不能害叔孫得臣

最善射者也射其目身橫九畝斷其首而載

之眉見於軾然則何爲不言獲也曰古者不

重創不禽二毛故不言獲爲內諱也其之齊

者王子成父殺之則未知其之晉者也

十有二年春王正月邾伯來奔

杞伯來朝

二月庚子子叔姬卒

其日子叔姬貴也公之母姊妹也其一傳曰許嫁以卒之也男子二十而冠冠而列丈夫三十而娶女子十五而許嫁二十而嫁

夏楚人圍巢

秋滕子來朝

秦伯使術來聘

冬十有二月戊午晉人秦人戰于河曲

不言及秦晉之戰已亟故略之也

季孫行父帥師城諸及鄆

曲也二因我牙也曲直少乃評

稱帥師言有難也

十有三年春王正月

夏五月壬午陳侯朔卒

邾子蘧蒢卒

自正月不雨至于秋七月

大室屋壞

大室屋壞者有壞道也譏不脩也大室猶世室也周公曰大廟伯禽曰大室群公曰宮禮宗廟之事君親割夫人親舂敬之至也為社

有不為廟曰廢

稷之主而先君之廟壞極稱之志不敬也

冬公如晉

衛侯會公于沓

狄侵衛

十有二月己丑公及晉侯盟還自晉

還者事未畢也自晉事畢也

鄭伯會公于棐

十有四年春王正月公至自晉

邾人伐我南鄙

叔彭生帥師伐邾

夏五月乙亥齊侯潘卒

六月公會宋公陳侯衛侯鄭伯許男曹伯晉趙盾癸酉同盟于新城

同者有同也同外楚也

秋七月有星孛入于北斗

孛之為言猶莠也其日入北斗斗有環域也

公至自會

晉人納捷菑于邾弗克納

殺梁傅

卷六

二十五

斗有規郭入其規也

長轂兵車四馬曰乘
一乘甲士三人步卒
七十二人五百乘合
七千二百人餘猶
多

是郤克也其曰人何也微之也何為微之也
長轂五百乘縣地千里過宋鄭滕薛實入千
乘之國欲變人之主至城下然後知何知之
晚也弗克納未伐而曰弗克何也弗克其義
也捷菑晉出也獲且齊出也獲且正也捷菑
不正也

九月甲申公孫敖卒于齊
奔大夫不言卒而言卒何也為受其喪不可
不卒也其地於外也

齊公子商人弒其君舍

舍未踰年其曰君何也成舍之為君所以重
商人之弒也商人其不以國氏何也不以嫌
代嫌也舍之不日何也未成為君也

宋子哀來奔

其曰子哀失之也

冬單伯如齊齊人執單伯

私罪也單伯淫于齊齊人執之

叔姬同罪也

也
莫邪也

擅叔身國不其其於
孫其不也因曰在尺

十有五年春季孫行父如晉

三月宋司馬華孫來盟

司馬官也其以官稱無君之辭也來盟者何
前定也不言及者以國與之也

夏曹伯來朝

齊人歸公孫敖之喪

六月辛丑朔日有食之鼓用牲于社

單伯至自齊

大夫執則致致則名此其不名何也天子之

命大夫也

晉卻缺帥師伐蔡戊申入蔡

秋齊人侵我西鄙

其曰鄙遠之也其遠之何也不以難介我國
也

季孫行父如晉

冬十有一月諸侯盟于扈

十有二月齊人來歸子叔姬

其日子叔姬貴之也其言來歸何也父母之

介猶也

於子雖有罪猶欲其免也

齊侯侵我西鄙遂伐曹入其郭

十有六年春季孫行父會齊侯于陽穀齊侯弗及盟

弗及者內辭也行父失命矣齊得內辭也

夏五月公四不視朔

天子告朔于諸侯諸侯受乎禘廟禮也公四不視朔公不臣也以公為厭政以甚矣
六月戊辰公子遂及齊侯盟于師丘

以又公會史官也其以指

復行父之盟也

秋八月辛未夫人姜氏薨

毀泉臺

喪不貳事貳事緩喪也以文為多失道矣自古為之今毀之不如勿處而已矣

楚人秦人巴人滅庸

冬十有一月宋人弑其君杵臼

十有七年春晉人衛人陳人鄭人伐宋

夏四月癸亥葬我小君聲姜

齊侯伐我西鄙

六月癸未公及齊侯盟于穀

諸侯會于扈

秋公至自穀

冬公子遂如齊

十有八年春王二月丁丑公薨于臺下

臺下非正也

秦伯罃卒

夏五月戊戌齊人弑其君商人

大夫的卿介遂與日
臣也也至字字夫

六月癸酉葬我君文公

秋公子遂叔孫得臣如齊

使舉上客而不稱介不正其同倫而相介故
列而數之也

冬十月子卒

子卒不日故也

夫人姜氏歸于齊

惡宣公也有不待貶絕而罪惡見者有待貶
絕而惡從之者姪娣者不孤子之意也一人

姜氏子亦存宜公及
亦言厥之不存姜氏

一人有子則上望下祿
而子何貴乎
若者故也

穀梁傳

卷六

十一

有子三人緩帶一日就賢也
季孫行父如齊
莒弒其君庶其

有子三人就賢也
哀公在位五年而卒

新安吳勉學校

穀梁傳文公卷第六

國家圖書館, NATIONAL CENTRAL LIBRARY, TAIWAN, R.O.C.



春秋穀梁傳宣公卷第七

元年春王正月公即位

丙辰五月校閱纂卷第...

繼故而言即位與聞乎故也

公子遂如齊逆女

三月遂以夫人婦姜至自齊

其不言氏喪未畢故畧之也其曰婦緣姑言之之辭也遂之挈由上致之也

夏季孫行父如齊

晉放其大夫胥甲父于衛

學者云氏族而直其



放猶屏也稱國以放放無罪也

公會齊侯于平州

公子遂如齊

六月齊人取濟西田

內不言取言取授之也以是為賂齊也

秋邾子來朝

楚子鄭人侵陳遂侵宋

遂繼事也

晉趙盾帥師救陳

善救陳也

宋公陳侯衛侯曹伯會晉師于榘林伐鄭

列數諸侯而會晉趙盾大趙盾之事也其曰

師何也以其大之也于榘林地而後伐鄭疑

辭也此其地何則著其美也

冬晉趙穿帥師侵崇

晉人宋人伐鄭

伐鄭所以救宋也

二年春王二月壬子宋華元帥師及鄭公子歸

駁鄭氏

生帥師戰于大棘宋師敗績獲宋華元

獲者不與之辭也言盡其衆以救其將也以三軍敵華元華元雖獲不病矣

秦師伐晉

夏晉人宋人衛人陳人侵鄭

秋九月乙丑晉趙盾弒其君夷臯

穿弒也盾不弒而曰盾弒何也以罪盾也其以罪盾何也曰靈公朝諸大夫而暴彈之觀其辟丸也趙盾入諫不聽出亡至于郊趙穿

弒公而後反趙盾史狐書賊曰趙盾弒公盾曰天乎天乎予無罪孰爲盾而忍弒其君者乎史狐曰子爲正卿入諫不聽出亡不遠君弒反不討賊則志同志同則書重非子而誰故書之曰晉趙盾弒其君夷臯者過在下也曰於盾也見忠臣之至於許世子止見孝子之至

冬十月乙亥天王崩

三年春王正月郊牛之口傷

之口緩辭也傷自牛作也

改卜牛牛死乃不郊

事之變也乃者亡乎人之辭也

猶三望

葬匡王

楚子伐陸渾戎

夏楚人侵鄭

秋赤狄侵齊

宋師圍曹

冬十月丙戌鄭伯蘭卒

葬鄭穆公

四年春王正月公及齊侯平莒及郟莒人不肯
及者內爲志焉耳平者成也不肯者可以肯
也

公伐莒取向

伐猶可取向甚矣莒人辭不受治也伐莒義
兵也取向非也乘義而爲利也

秦伯稻卒

夏六月乙酉鄭公子歸生弑其君夷

赤狄侵齊

秋公如齊公至自齊

冬楚子伐鄭

五年春公如齊

夏公至自齊

秋九月齊高固來逆子叔姬

諸侯之嫁子於大夫主大夫以與之來者接內也不正其接內故不與夫婦之稱也

叔孫得臣卒

冬齊高固及子叔姬來

及者及吾子叔姬也爲使來者不使得歸之意也

楚人伐鄭

六年春晉趙盾衛孫免侵陳

此帥師也其不言帥師何也不正其敗前事故不與帥師也

夏四月

秋八月螽

冬十月

七年春衛侯使孫良夫來盟

來盟前定也不言及者以國與之不言其人亦以國與之不日前定之盟不日

夏公會齊侯伐萊

秋公至自伐萊

大旱

冬公會晉侯宋公衛侯鄭伯曹伯于黑壤

八年春公至自會

夏六月公子遂如齊至黃乃復

乃者亡乎人之辭也復者事畢也不專公命也

辛巳有事于大廟仲遂卒于垂

爲若反命而後卒也此公子也其曰仲何也
疏之也何爲疏之也是不卒者也不疏則無
用見其不卒也其不卒之何也以譏乎宣也
其譏乎宣何也聞大夫之喪則去樂卒事

不使遂身命還

天子諸侯曰祔大夫曰疇
士曰疇尸夏曰復祔
和曰疇月曰祔

壬午猶繹

猶者可以已之辭也繹者祭之日日之享賓也

萬入去籥

以其爲之變譏之也

戊子夫人熊氏薨

晉師白狄伐秦

楚人滅舒鄧

秋七月甲子日有食之既

冬十月己丑葬我小君頃熊

雨不克葬

葬既有日不爲雨止禮也雨不克葬喪不以

制也

庚寅日中而克葬

而緩辭也足乎日之辭也

城平陽

楚師伐陳

九年春王正月公如齊

公至自齊

夏仲孫蔑如京師

齊侯伐萊

秋取根牟

八月滕子卒

九月晉侯宋公衛侯鄭伯曹伯會于扈

晉荀林父帥師伐陳

辛酉晉侯黑臀卒于扈

其地于外也其日未踰竟也

冬十月癸酉衛鄭卒

宋人圍滕

楚子伐鄭

晉卻缺帥師救鄭

陳殺其大夫泄冶

稱國以殺其大夫殺無罪也泄冶之無罪如何陳靈公通于夏徵舒之家公孫寧儀行父亦通其家或衣其衣或秉其襦以相戲于朝泄冶聞之入諫曰使國人聞之則猶可使仁

人聞之則不可君愧於泄治不能用其言而殺之

十年春公如齊公至自齊齊人歸我濟西田

公娶齊齊由以為兄弟反之不言來公如齊受之也

夏四月丙辰日有食之

己巳齊侯元卒

齊崔氏出奔衛

氏者舉族而出之之辭也

公如齊五月公至自齊

癸巳陳夏徵舒弑其君平國

六月宋師伐滕

公孫歸父如齊葬齊惠公

晉人宋人衛人曹人伐鄭

秋天王使王季子來聘

其曰王季王子也其曰子尊之也聘問也

公孫歸父帥師伐邾取繹

大水

不推曰好之党為好是

季孫行父如齊

冬公孫歸父如齊

齊侯使國佐來聘

饑

楚子伐鄭

十有一年春王正月

夏楚子陳侯鄭伯盟于夷陵

公孫歸父會齊人伐莒

秋晉侯會狄于欒函

不言及外狄

冬十月楚人殺陳夏徵舒

此入而殺也其不言入何也外徵舒於陳也
其外徵舒于陳何也明楚之討有罪也

丁亥楚子入陳

入者內弗受也日入惡入者也何用弗受也
不使夷狄為中國也

納公孫寧儀行父于陳

納者內弗受也輔人之不能民而討猶可入

人之國制人之上下使不得其君臣之道不可

十有二年春葬陳靈公

楚子圍鄭

夏六月乙卯晉荀林父帥師及楚子戰于邲晉師敗績

績功也功事也日其事敗也

秋七月

冬十有二月戊寅楚子滅蕭

晉人宋人衛人曹人同盟于清丘

宋師伐陳衛人救陳

十有三年春齊師伐莒

夏楚子伐宋

秋螽

冬晉殺其大夫先穀

十有四年春衛殺其大夫孔達

夏五月壬申曹伯壽卒

晉侯伐鄭

秋九月楚子圍宋

葬曹文公

冬公孫歸父會齊侯于穀

十有五年春公孫歸父會楚子于宋

夏五月宋人及楚人平

平者成也善其量力而反義也人者衆辭也
平稱衆上下欲之也外平不道以吾人之存
焉道之也

六月癸卯晉師滅赤狄潞氏以潞子嬰兒歸

滅國有三術中國謹日甲國月夷狄不日其
曰潞子嬰兒賢也

秦人伐晉

王札子殺召伯毛伯

王札子者當上之辭也殺召伯毛伯不言其
何也兩下相殺也兩下相殺不志乎春秋此
其志何也矯王命以殺之非忿怒相殺也故
曰以王命殺也以王命殺則何志焉爲天下
主者天也繼天者君也君之所存者命也爲

人臣而侵其君之命而用之是不臣也為人君而失其命是不君也君不君臣不臣此天下所以傾也

秋螽

仲孫蔑會齊高固于無婁

初稅畝

三百畝至二千畝曰丘二千畝至八千畝曰甸

初者始也古者什一藉而不稅初稅畝非正也古者三百■為里名曰井田井田者九百畝公田居一私田稼不善則非吏公田稼不

公家一井每夫為文田百畝又為子及之四一井三百畝又為舍三畝半九百一頃十二畝半吏田也

桑土私田又稅十一

損其產者家心二兩以柱五采外柱秋桑以備春生也死

刈穀曰秋得于重什舒曰程于

善則非民初稅畝者非公之去公田而履畝十取一也以公之與民為已悉矣古者公田為居井竈葱韭盡取焉

五里之外曰甸夫平交田廿五畝

冬蟊生

蟊非災也其曰蟊非稅畝之災也

饑

十有六年春王正月晉人滅赤狄甲氏及留吁

夏成周宣榭災

周災不志也其曰宣榭何也以樂器之所藏

目之也

秋鄭伯姬來歸

冬大有年

五穀大熟為大有年

十有七年春王正月庚子許男錫我卒

丁未蔡侯申卒

夏葬許昭公

葬蔡文公

六月癸卯日有食之

己未公會晉侯衛侯曹伯邾子同盟于斷道

同者有同也同外楚也

秋公至自會

冬十有一月壬午公弟叔肝卒

其曰公弟叔肝賢之也其賢之何也宣弒而

非之也非之則胡為不去也曰兄弟也何去

而之與之財則曰我足矣織屨而食終身不

食宣公之食君子以是為通恩也以取貴乎

春秋

吳臣之葬，而通之也，
其俱陽而立以明其
外是心屬不軌

十有八年春晉侯衛世子臧伐齊

公伐杞

夏四月

秋七月邾人戕繒子于繒

戕猶殘也稅殺也

甲戌楚子呂卒

夷狄不卒卒少進也卒而不日日少進也日而不言正不正簡之也

公孫歸父如晉

冬十月壬戌公薨于路寢

正寢也

歸父還自晉

還者事未畢也自晉事畢也與人之子守其父之殯捐殯而奔其父之使者是以奔父也

至檉遂奔齊

遂繼事也

春秋穀梁傳宣公卷第七

人命本反而已逐
臣奔父何異

悅捶打也捶打殘賊也
故之 臣子安在

春秋穀梁傳成公卷第八

元年春王正月公即位

二月辛酉葬我君宣公

無冰

終時無冰則志此未終時而言無冰何也終無冰矣加之寒之辭也

三月作丘甲

作爲也丘爲甲也丘甲國之事也丘作甲非正也丘作甲之爲非正何也古者立國家百

四井爲邑四邑爲甸
六井爲甸也

官具農工皆有職以事上古者有四民有士
民有商民有農民有工民夫甲非人人之所
能為也丘作甲非正也

夏臧孫許及晉侯盟于赤棘

秋王師敗績于貿戎

不言戰莫之敢敵也為尊者諱敵不諱敗為
親者諱敗不諱敵尊尊親親之義也然則孰
敗之晉也

冬十月

衡音廷迎也

首言同姓也子字也其
及更婚言忠也生頃之
宣十二年齊人滅首
齊國一名

季孫行父禿晉卻克眇衛孫良夫跛曹公子
手僂同時而聘于齊齊使禿者御禿者使眇
者御眇者使跛者御跛者使僂者御僂者蕭
同姪子處臺上而笑之聞於客客不悅而去
相與立胥聞而語移日不解齊人有知之者
曰齊之患必自此始矣

二年春齊侯伐我北鄙

夏四月丙戌衛孫良夫帥師及齊師戰于新築
衛師敗績

六月癸酉季孫行父臧孫許叔孫僑如公孫嬰齊帥師會晉郤克衛孫良夫曹公子首及齊侯戰于鞏齊師敗績

其日或曰日其戰也或曰日其悉也曹無大夫其日公子何也以吾之四大夫在焉舉其貴者也

秋七月齊侯使國佐如師已酉及國佐盟于袤婁鞏去國五百里爰婁去國五十里一戰緜地五百里焚雍門之茨侵車東至海君子聞之

曰夫甚甚之辭焉齊有以取之也齊之有以取之何也敗衛師于新築侵我北鄙敖郤獻子齊有以取之也爰婁在師之外郤克曰反魯衛之侵地以紀侯之麤來以蕭同姪子之母為質使耕者皆東其畝然後與子盟國佐曰反魯衛之侵地以紀侯之麤來則諾以蕭同姪子之母為質則齊侯之母也齊侯之母猶晉君之母也晉君之母猶齊侯之母也使耕者盡東其畝則是終土齊也不可請壹

言亦善
頃之也姪子同為異父之
知不亦斥之否存之為
也言首同姪子一為而
姪子笑

戰壹戰不克請再再不克請三三不克請四
四不克請五五不克舉國而授於是而與之盟
八月壬午宋公鮑卒

庚寅衛侯速卒

取汶陽田

冬楚師鄭師侵衛

十有一月公會楚公子嬰齊于蜀

楚無大夫其曰公子何也嬰齊亢也

丙申公及楚人秦人宋人陳人衛人鄭人齊人

曹人邾人薛人繒人盟于蜀

楚其稱人何也於是而後公得其所也會與
盟同月則地會不地盟不同月則地會地盟
此其地會地盟何也以公得其所申其事也
今之屈向之驕也

三年春王正月公會晉侯宋公衛侯曹伯伐鄭

辛亥葬衛穆公

二月公至自伐鄭

甲子新宮災三日哭

新宮者禰宮也三日哭哀也其哀禮也迫近不敢稱謚恭也其辭恭且哀以成公爲無譏矣

乙亥葬宋文公

夏公如晉

鄭公子去疾帥師伐許

公至自晉

秋叔孫僑如帥師圍棘

大雩

晉卻克衛孫良夫伐牆咎如

冬十有一月晉侯使荀庚來聘

衛侯使孫良夫來聘

丙午及荀庚盟

丁未及孫良夫盟

其日公也來聘而求盟不言及者以國與之也不言其人亦以國與之也不言求兩欲之也

鄭伐許

四年春宋公使華元來聘

三月壬申鄭伯堅卒

杞伯來朝

夏四月甲寅臧孫許卒

公如晉

葬鄭襄公

秋公至自晉

冬城鄆

鄭伯伐許

五年春王正月杞叔姬來歸

婦人之義嫁曰歸反曰來歸

仲孫蔑如宋

夏叔孫僑如會晉荀首于穀

梁山崩

不日何也高者有崩道也有崩道則何以書也曰梁山崩壅遏河三日不流晉君召伯尊而問焉伯尊來遇輦者輦者不辟使車右下而鞭之輦者曰所以鞭我者其取道遠矣伯

九車持在左所中有人力之人去去所以傳也

尊下車而問焉曰子有聞乎對曰梁山崩壅
遏河三日不流伯尊曰君爲此召我也爲之
柰何輦者曰天有山天崩之天有河天壅之
雖召伯尊如之何伯尊由忠問焉輦者曰君
親素縞帥羣臣而哭之旣而祠焉斯流矣伯
尊至君問之曰梁山崩壅遏河三日不流爲
之柰何伯尊曰君親素縞帥羣臣而哭之旣
而祠焉斯流矣孔子聞之曰伯尊其無績乎
攘善也

秋大水

冬十一月己酉天王崩

十有二月己丑公會晉侯齊侯宋公衛侯鄭伯
曹伯邾子杞伯同盟于蟲牢

六年春王正月公至自會

二月辛巳立武宮

立者不宜立也

取鄆

鄆國也

衛孫良夫帥師侵宋

夏六月邾子來朝

公孫嬰齊如晉

壬申鄭伯費卒

秋仲孫蔑叔孫僑如帥師侵宋

楚公子嬰齊帥師伐鄭

冬季孫行父如晉

晉欒書帥師救鄭

七年春王正月麇鼠食郊牛角

斛音其根反珠角視
展在麥也日在麥中
三斛角也即人節也
在麥中不食郊角
傷也

天災

不郊所以起三望

不言日急辭也過有司也郊牛日展斛角而
知傷展道盡矣其所以備災之道不盡也
改卜牛麇鼠又食其角
又有繼之辭也其緩辭也曰亡乎人矣非人
之所能也所以免有司之過也
乃免牛

乃者亡乎人之辭也免牲者為之緇衣纁裳
有司玄端奉送至于南郊免牛亦然免牲不
曰不郊免牛亦然

吳伐郟

夏五月曹伯來朝

不郊猶三望

秋楚公子嬰齊帥師伐鄭

公會晉侯齊侯宋公衛侯曹伯莒子邾子杞伯

救鄭八月戊辰同盟于馬陵公至自會

吳入州來

冬大雩

四月雩星也如常雩于南門外也天旱野無生穀言人當死也雩
依示以順其清命相在亦民以子空無故

雩不月而時非之也冬無為雩也

衛孫林父出奔晉

八年春晉侯使韓穿來言汶陽之田歸之于齊

于齊緩辭也不使盡我也

晉欒書帥師侵蔡

公孫嬰齊如莒

宋公使華元來聘

夏宋公使公孫壽來納幣

晉殺其大夫趙同趙括

秋七月天子使召伯來錫公命

專力也

禮有受命無來錫命錫命非正也曰天子何也曰見一稱也

冬十月癸卯杞叔姬卒

晉侯使士燮來聘

叔孫僑如會晉士燮齊人邾人伐郟

衛人來媵

媵淺事也不志此其志何也以伯姬之不得其所故盡其事也

九年春王正月杞伯來逆叔姬之喪以歸

傳曰夫無逆出妻之喪而爲之也

公會晉侯齊侯宋公衛侯鄭伯曹伯莒子杞伯同盟于蒲公至自會

二月伯姬歸于宋

夏季孫行父如宋致女

致者不致者也婦人在家制於父既嫁制於夫如宋致女是以我盡之也不正故不與內稱也逆者微故致女詳其事賢伯姬也

晉人來媵

勝淺事也不志此其志何也以伯姬之不得其所故盡其事也

秋七月丙子齊侯無野卒

晉人執鄭伯

晉欒書帥師伐鄭

不言戰以鄭伯也為尊者諱耻為賢者諱過為親者諱疾

冬十有一月葬齊頃公

楚公子嬰齊帥師伐莒庚申莒潰

其日莒雖夷狄猶中國也大夫潰莒而之楚是以知其上為事也惡之故謹而日之也

楚人入鄆

秦人白狄伐晉

鄭人圍許

城中城

城中城者非外民也

十年春衛侯之弟黑背帥師侵鄭

夏四月五卜郊不從乃不郊

夏四月不時也五卜強也乃者亡乎人之辭也

五月公會晉侯齊侯宋公衛侯曹伯伐鄭齊人來媵

丙午晉侯孺卒

秋七月公如晉

冬十月

十有一年春王三月公至自晉

晉侯使卻擘來聘己丑及卻擘盟

夏季孫行父如晉

秋叔孫僑如如齊

冬十月

十有二年春周公出奔晉

周有入無出其曰出上下一見之也言其上
下之道無以存也上雖失之下孰敢有之今
上下皆失之矣

夏公會晉侯衛侯于瑣澤

秋晉人敗狄于交剛

七王出居于鄭

中國與夷狄不言戰皆曰敗之夷狄不日

冬十月

十有三年春晉侯使郤錡來乞師

乞重辭也古之人重師故以乞言之也

三月公如京師

公如京師不月月非如也非如而曰如不叛京師也

夏五月公自京師遂會晉侯宋公衛侯鄭伯曹伯邾人滕人伐秦

言受命不敢叛周也

曹伯廬卒于師

傳曰閔之也公大夫在師曰師在會曰會

秋七月公至自伐秦

冬葬曹宣公

葬時正也

十有四年春王正月莒子朱卒

夏衛孫林父自晉歸于衛

秋叔孫僑如如齊逆女

鄭公子喜帥師伐許

九月僑如以夫人婦姜氏至自齊

大夫不以夫人以夫人非正也刺不親迎也

僑如之挈由上致之也

冬十月庚寅衛侯臧卒

秦伯卒

十有五年春王二月葬衛定公

三月乙巳仲嬰齊卒

此公孫也其曰仲何也子由父疏之也

通載大不曰云云子由

癸丑公會晉侯衛侯鄭伯曹伯宋世子成齊國

佐邾人同盟于戚晉侯執曹伯歸于京師

以晉侯而斥執曹伯惡晉侯也不言之急辭

也斷在晉侯也

公至自會

夏六月宋公固卒

楚子伐鄭

秋八月庚辰葬宋共公

月卒日葬非葬者也此其言葬何也以其葬

穀梁傳 卷八 十四
共姬不可不葬共公也葬共姬則其不可不葬共公何也夫人之義不踰君也爲賢者崇也

宋華元出奔晉宋華元自晉歸于宋

宋殺其大夫山

宋魚石出奔楚

冬十有一月叔孫僑如會晉士燮齊高無咎宋華元衛孫林父鄭公子鮪邾人會吳于鍾離會又會外之也

許遷于葉

遷者猶得其國家以往者也其地許復見也十有六年春王正月雨木冰

雨而木冰也志異也傳曰根枝折

夏四月辛未滕子卒

鄭公孫喜帥師侵宋

六月丙寅朔日有食之

晉侯使欒黶來乞師

甲午晦晉侯及楚子鄭伯戰于鄢陵楚子鄭師

敗績

日事遇晦曰晦四體偏斷曰敗此其敗則目也楚不言師君重於師也

楚殺其大夫公子側

秋公會晉侯齊侯衛侯宋華元邾人于沙隨不見公

不見公者可以見公也可以見公而不見公譏在諸侯也

公至自會

公會尹子晉侯齊國佐邾人伐鄭

曹伯歸自京師

不言所歸歸之善者也出入不名以為不失其國也歸為善自其歸次之

九月晉人執季孫行父舍之于茗丘

執者不舍而舍公所也執者致而不致公在也何其執而辭也猶存公也存意公亦存也
公存也

冬十月乙亥叔孫僑如出奔齊

叔孫僑如執季孫行父而舍之
舍之故亦在彼亦在彼
公存也

目重於手也

國立中央圖書館

十有二月乙丑季孫行父及晉卻擘盟于扈
公至自會

乙酉刺公子偃

大夫日卒正也先刺後名殺無罪也

十有七年春衛北宮括帥師侵鄭

夏公會尹子單子晉侯齊侯宋公衛侯曹伯邾
人伐鄭

六月乙酉同盟于柯陵

柯陵之盟謀復伐鄭也

月信也去言伐鄭

秋公至自會

不曰至自伐鄭也公不周乎伐鄭也何以知
公之不周乎伐鄭以其以會致也何以知其
盟復伐鄭也以其後會之人盡盟者也不周
乎伐鄭則何爲日也言公之不背柯陵之盟
也

齊高無咎出奔莒

九月辛卯用郊

夏之始可以承春以秋之末承春之始蓋不

可矣九月用郊用者不宜用也宮室不設不可以祭衣服不脩不可以祭車馬器械不備不可以祭有司一人不備其職不可以祭祭者薦其時也薦其敬也薦其美也非享味也

晉侯使荀罃來乞師

冬公會單子晉侯宋公衛侯曹伯齊人邾人伐鄭

言公不背柯陵之盟也

十有一月公至自伐鄭

士申公孫嬰齊卒於狸蜃

十一月無壬申壬申乃十月也致公而後錄臣子之義也其地未踰竟也

十有二月丁巳朔日有食之

邾子貜且卒

晉殺其大夫卻錡卻犇卻至

自禍於是起矣

楚人滅舒庸

十有八年春王正月晉殺其大夫胥童

庚申晉弒其君州蒲

稱國以弒其君君惡甚矣

齊殺其大夫國佐

公如晉

夏楚子鄭伯伐宋

宋魚石復入于彭城

公至自晉

晉侯使士匄來聘

秋杞伯來朝

八月邾子來朝

築鹿囿

築不志此其志何也山林藪澤之利所以與民共也虞之非正也

己丑公夢于路寢

路寢正也男子不絕婦人之手以齊終也

冬楚人鄭人侵宋

晉侯使士魴來乞師

十有二月仲孫蔑會晉侯宋公衛侯邾子齊崔

杼同盟于虛杙

丁未葬我君成公

穀梁傳成公卷第八

春秋穀梁傳襄公卷第九

元年春王正月公即位

繼正即位正也

仲孫蔑會晉欒黶宋華元衛甯殖曹人莒人邾人滕人薛人圍宋彭城

繫彭城于宋者不與魚石正也

夏晉韓厥帥師伐鄭

仲孫蔑會齊崔杼曹人邾人杞人次于鄆

秋楚公子壬夫帥師侵宋



九月辛酉天王崩

邾子來朝

冬衛侯使公孫剽來聘

晉侯使荀罃來聘

二年春王正月葬簡王

鄭師伐宋

夏五月庚寅夫人姜氏薨

六月庚辰鄭伯踰卒

晉師宋師衛甯殖侵鄭

鄭今不侵則不述也

其曰衛甯殖如是而稱于前事也

秋七月仲孫蔑會晉荀罃宋華元衛孫林父曹人邾人于戚

己丑葬我小君齊姜

叔孫豹如宋

冬仲孫蔑會晉荀罃齊崔杼宋華元衛孫林父曹人邾人滕人薛人小邾人于戚遂城虎牢

若言中國焉內鄭也

楚殺其大夫公子申

鄭今不侵則不述也

三年春楚公子嬰齊帥師伐吳

公如晉

夏四月壬戌公及晉侯盟于長檮

公至自晉

六月公會單子晉侯宋公衛侯鄭伯莒子邾子齊世子光已未同盟于雞澤

同者有同也同外楚也

陳侯使袁僑如會

如會外平會也於會受命也

戊寅叔孫豹及諸侯之大夫及陳袁僑盟

及以及與之也諸侯以爲可與則與之不可與則釋之諸侯盟又大夫相與私盟是大夫張也故雞澤之會諸侯始失正矣大夫執國權曰袁僑異之也

秋公至自會

冬晉荀罃帥師伐許

四年春王三月巳酉陳侯午卒

夏叔孫豹如晉

秋七月戊子夫人妣氏薨

葬陳成公

八月辛亥葬我小君定姒

冬公如晉

陳人圍頓

五年春公至自晉

夏鄭伯使公子發來聘

叔孫豹繒世子巫如晉

外不言如而言如爲我事往也

仲孫蔑衛孫林父會吳于善稻

吳謂善伊謂稻緩號從中國名從主人

秋大雩

楚殺其大夫公子壬夫

公會晉侯宋公陳侯衛侯鄭伯曹伯莒子邾子

滕子薛伯齊世子光吳人繒人于戚

公至自會

冬戍陳

內辭也

楚公子貞帥師伐陳

公會晉侯宋公衛侯鄭伯曹伯莒子邾子滕子薛伯齊世子光救陳十有二月公至自救陳

善救陳也

辛未季孫行父卒

六年春王三月壬午杞伯姑容卒

夏宋華弱來奔

秋葬杞桓公

滕子來朝

莒人滅縉

上陽曰汝神不歆祀類乃滅也

非滅也中國日卑國月夷狄時縉中國也而時非滅也家有既亡國有既滅滅而不自知由別之而不別也莒人滅縉非滅也非立異姓以蒞祭祀滅亡之道也

冬叔孫豹如邾

季孫宿如晉

十有二月齊侯滅萊

七年春邾子來朝

夏四月三十郊不從乃免牲

夏四月不時也三十禮也乃者亡乎人之辭也

小邾子來朝

城費

秋季孫宿如衛

八月螽

冬十月衛侯使孫林父來聘壬戌及孫林父盟

楚公子貞帥師圍陳

十有二月公會晉侯宋公陳侯衛侯曹伯莒子邾子于鄆鄭伯鬃原如會未見諸侯丙戌卒于標

未見諸侯其曰如會何也致其志也禮諸侯不生名此其生名何也卒之名也卒之名則何爲加之如會之上見以如會卒也其見以如會卒何也鄭伯將會中國其臣欲從楚不勝其臣弒而歿其不言弒何也不使夷狄之民加乎中國之君也其地於外也其日未踰

竟也日卒時葬正也

陳侯逃歸

以其去諸侯故逃之也

八年春王正月公如晉

夏葬鄭僖公

鄭人侵蔡獲蔡公子濕

人微者也侵淺事也而獲公子公子病矣

季孫宿會晉侯鄭伯齊人宋人衛人邾人于邢

丘

見魯之失正也公在而大夫會也

公至自晉

莒人伐我東鄙

秋九月大雩

冬楚公子貞帥師伐鄭

晉侯使士匄來聘

九年春宋災

外災不志此其志何也故宋也

夏季孫宿如晉

夫子之充家人

五月辛酉夫人姜氏薨

秋八月癸未葬我小君穆姜

冬公會晉侯宋公衛侯曹伯莒子邾子滕子薛伯杞伯小邾子齊世子光伐鄭十有二月己亥同盟于戲

不異言鄭善得鄭也不致耻不能據鄭也

楚子伐鄭

十年春公會首侯宋公衛侯曹伯莒子邾子滕子薛伯杞伯小邾子齊世子光會吳于祖

會又會外之也

夏五月甲午遂滅傅陽

遂直遂也其曰遂何不以中國從夷狄也

公至自會

會夷狄不致惡事不致此其致何也存中國也中國有善事則并焉無善事則異之存之也汲鄭伯逃歸陳侯致祖之會存中國也

楚公子貞鄭公孫轍帥師伐宋

晉師伐秦

據有

公會與遂異人

汲於子也引而致于焉

秋莒人伐我東鄙

公會晉侯宋公衛侯曹伯莒子邾子齊世子光
滕子薛伯杞伯小邾子伐鄭

冬盜殺鄭公子斐公子發公孫輒

稱盜以殺大夫弗以上下道惡上也

戊鄭虎牢

其曰鄭虎牢決鄭乎虎牢也

楚公子貞帥師救鄭

公至自伐鄭

此五字與之決死
至外之曰決鄭

另有二千五百人
國之二千五百人
而兄弟有五千

十有一年春王正月作三軍

作為也古者天子六師諸侯一軍作三軍非
正也

夏四月四卜郊不從乃不郊

夏四月不時也四卜非禮也

鄭公孫舍之帥師侵宋

公會晉侯宋公衛侯曹伯齊世子光莒子邾子

滕子薛伯杞伯小邾子伐鄭

秋七月己未同盟于京城北公至自伐鄭

不以後致盟後復伐鄭也

楚子鄭伯伐宋

公會晉侯宋公衛侯曹伯齊世子光莒子邾子
滕子薛伯杞伯小邾子伐鄭會于蕭魚公至自
會

伐而後會不以伐鄭致得鄭伯之辭也

楚人執鄭行人良宵

行人者挈國之辭也

冬秦人伐晉

擊猶佔也佔國命

十有二年春王三月莒人伐我東鄙圍郟

伐國不言圍邑舉重也取邑不書圍安足書
也

季孫宿帥師救郟遂入鄆

遂繼事也受命而救郟不受命而入鄆惡季
孫宿也

夏晉侯使士魴來聘

秋九月吳子乘卒

冬楚公子貞帥師侵宋

為下子起

公如晉

十有三年春公至自晉

夏取邾

秋九月庚辰楚子審卒

冬城防

十有四年春王正月季孫宿叔老會晉士匄齊人宋人衛人鄭公孫薑曹人莒人邾人滕人薛人杞人小邾人會吳于向

二月乙未朔日有食之

夏四月叔孫豹會晉荀偃齊人宋人衛北宮括鄭公孫薑曹人莒人邾人滕人薛人杞人小邾人伐秦

己未衛侯出奔齊

莒人侵我東鄙

秋楚公子貞帥師伐吳

冬季孫宿會晉士匄宋華閱衛孫林父鄭公孫薑莒人邾人于戚

十有五年春宋公使向戌來聘

二月己亥及向戌盟于劉

劉夏逆王后于齊

過我故志之也

夏齊侯伐我北鄙圍成

公救成至遇

季孫宿叔孫豹帥師城成郛

秋八月丁巳日有食之

邾人伐我南鄙

冬十有一月癸亥晉侯周卒

十有六年春王正月葬晉悼公

三月公會晉侯宋公衛侯鄭伯曹伯莒子邾子

薛伯杞伯小邾子于溴梁戊寅大夫盟

溴梁之會諸侯失正矣諸侯會而曰大夫盟

正在大夫也諸侯在而不曰諸侯之大夫大

夫不臣也

晉人執莒子邾子以歸

齊侯伐我北鄙

夏公至自會

五月甲子地震

叔老會鄭伯晉荀偃衛甯殖宋人伐許

秋齊侯伐我北鄙圍成

大雩

冬叔孫豹如晉

十有七年春王二月庚午邾子睭卒

宋人伐陳

夏衛石買帥師伐曹

秋齊侯伐我北鄙圍桃齊高厚帥師伐我北鄙

圍防

九月大雩

宋華臣出奔陳

冬邾人伐我南鄙

十有八年春白狄來

夏晉人執衛行人石買

稱行人怨接於上也

秋齊侯伐我北鄙

冬十月公會晉侯宋公衛侯鄭伯曹伯莒子邾

子滕子薛伯杞伯小邾子同圍齊

非圍而曰圍齊有大焉亦有病焉非大而足同焉諸侯同罪之也亦病矣

曹伯負芻卒于師

閔之也

楚公子午帥師伐鄭

十有九年春王正月諸侯盟于祝柯

晉人執邾子

公至自伐齊

春秋之義已伐而盟復伐者則以伐致盟不

復伐者則以會致祝禮之盟盟復伐齊與曰

非也然則何為以伐致也曰與人同事或執

其君或取其地

取邾田自漵水

軋辭也其不日惡盟也

季孫宿如晉

葬曹成公

夏衛孫林父帥師伐齊

軋為弗與辭於不日

秋七月辛卯齊侯環卒

晉士匄帥師侵齊至穀聞齊侯卒乃還

還者事未畢之辭也受命而誅生歿無所加其怒不伐喪善之也善之則何為未畢也君不尸小事臣不專大名善則稱君過則稱已則民作讓矣士匄外專君命故非之也然則為士匄者宜柰何宜墀帷而歸命乎介

八月丙辰仲孫蔑卒

齊殺其大夫高厚

齊侯曰仲孫蔑乃還

鄭殺其大夫公子嘉

冬葬齊靈公

城西郭

叔孫豹會晉士匄于柯

城武城

二十年春王正月辛亥仲孫速會莒人盟于向夏六月庚申公會晉侯齊侯宋公衛侯鄭伯曹伯莒子邾子滕子薛伯杞伯小邾子盟于澶淵秋公至自會

仲孫速帥師伐邾

蔡殺其大夫公子濕蔡公子履出奔楚
陳侯之弟光出奔楚

諸侯之尊弟兄不得以屬通其弟云者親之
也親而奔之惡也

叔老如齊

冬十月丙辰朔日有食之

季孫宿如宋

二十有一年春王正月公如晉

邾庶其以漆閭丘來奔

以者不以者也來奔者不言出舉其接我者
也漆閭丘不言及小大敵也

夏公至自晉

秋晉欒盈出奔楚

九月庚戌朔日有食之

冬十月庚辰朔日有食之

曹伯來朝

公會晉侯齊侯宋公衛侯鄭伯曹伯莒子邾子

于商任

中居此年蓋長傳因而稱之夫此云云蓋百二十二年也

庚子孔子生

二十有二年春王正月公至自會

夏四月

秋七月

辛酉叔老卒

冬公會晉侯齊侯宋公衛侯鄭伯曹伯莒子邾子滕子薛伯杞伯小邾子于沙隨
公至自會

楚殺其大夫公子追舒

二十有三年春王二月癸酉朔日有食之
三月己巳杞伯匄卒

夏邾畀我來奔

葬杞孝公

陳殺其大夫慶虎及慶寅

稱國以殺罪累上也及慶寅慶寅累也

陳侯之弟光自楚歸于陳

晉欒盈復入于晉入于曲沃

秋齊侯伐衛遂伐晉

八月叔孫豹帥師救晉次于雍渝

言救後次非救也

己卯仲孫速卒

冬十月乙亥臧孫紇出奔邾

其日正臧孫紇之出也蘧伯玉曰不以道事

其君者其出乎

晉人殺欒盈

惡之弗有也

齊侯襲莒

二十有四年春叔孫豹如晉

仲孫羯帥師侵齊

夏楚子伐吳

秋七月甲子朔日有食之既

齊崔杼帥師伐莒

大水

八月癸巳朔日有食之

公會晉侯宋公衛侯鄭伯曹伯莒子邾子滕子

衛侯入于夷儀

楚屈建帥師滅舒鳩

冬鄭公孫夏帥師伐陳

十有二月吳子謁伐楚門于巢卒

以伐楚之事門于巢卒也于巢者外乎楚也門于巢乃伐楚也諸侯不生名取卒之名加之伐楚之上者見以伐楚卒也其見以伐楚卒何也古者大國過小邑小邑必飾城而請罪禮也吳子謁伐楚至巢入其門門人射吳

子有矢劓反舍而卒古者雖有文事必有武備非巢之不飾城而請罪非吳子之自輕也二十有六年春王二月辛卯衛甯喜弑其君剽此不正其日何也殖也立之喜也君之正也衛孫林父入于戚以叛

甲午衛侯衎復歸于衛

日歸見知弑也

夏晉侯使荀吳來聘

公會晉人鄭良霄宋人曹人于澶淵

秋宋公殺其世子座

晉人執衛甯喜

八月壬午許男甯卒于楚

冬楚子蔡侯陳侯伐鄭

葬許靈公

二十有七年春齊侯使慶封來聘

夏叔孫豹會晉趙武楚屈建蔡公孫歸生衛石

惡陳孔奐鄭良霄許人曹人于宋

衛殺其大夫甯喜

稱國以殺罪累上也甯喜弒君其以累上之
辭言之何也嘗爲大夫與之涉公事矣甯喜
由君弒君而不以弒君之罪罪之者惡獻公
也

衛侯之弟專出奔晉

專喜之徒也專之爲喜之徒何也已雖急納
其兄與人之臣謀弒其君是亦弒君者也專
其曰弟何也專有是信者君賂不入乎喜而
殺喜是君不直乎喜也故出奔晉織紉邯鄲

終身不言衛專之去合乎春秋

秋七月辛巳豹及諸侯之大夫盟于宋

溴梁之會諸侯在而不曰諸侯之大夫大夫

不臣也晉趙武耻之豹云者恭也諸侯不在

而曰諸侯之大夫大夫臣也其臣恭也晉趙

武為之會也

冬十有二月乙亥朔日有食之

二十有八年春無冰

夏衛石惡出奔晉

邾子來朝

秋八月大雩

仲孫羯如晉

冬齊慶封來奔

十有一月公如楚

十有二月甲寅天王崩

乙未楚子昭卒

二十有九年春王正月公在楚

閔公也



夏五月公至自楚

喜之也致君者殆其往而喜其反此致君之意義也

庚午衛侯術卒

闔弒吳子餘祭

闔門者也寺人也不稱名姓闔不得齊於人不稱其君闔不得君其君也禮君不使無耻不近刑人不狎敵不邇怨賤人非所貴也貴人非所刑也刑人非所近也舉至賤而加之

吳子吳子近刑人也闔弒吳子餘祭仇之也

仲孫羯會晉荀盈齊高止宋華定衛世叔儀鄭公孫段曹人莒人邾人滕人薛人小邾人城杞古者天子封諸侯其地足以容其民其民足以滿城以自守也杞危而不能自守故諸侯之大夫相帥以城之此變之正也

晉侯使士鞅來聘

杞子來盟

吳子使 札來聘

吳其稱子何也善使延陵季子故進之也身
賢賢也使賢亦賢也延陵季子之賢尊君也
其名成尊於上也

秋九月葬衛獻公

齊高止出奔北燕

其曰北燕從史文也

冬仲孫羯如晉

三十年春王正月楚子使遠罷來聘

夏四月蔡世子般弑其君固

其不日子奪父政是謂夷之

五月甲午宋災伯姬卒

取卒之日加之災上者見以災卒也其見以
災卒柰何伯姬之舍失火左右曰夫人少辟
火乎伯姬曰婦人之義傳母不在宵不下堂
左右又曰夫人少辟火乎伯姬曰婦人之義
保母不在宵不下堂遂逮乎火而死婦人以
貞爲行者也伯姬之婦道盡矣詳其事賢伯
姬也

天王殺其弟佖夫

傳曰諸侯且不首惡况於天子乎君無忍親之義天子諸侯所親者唯長子母弟耳天王殺其弟佖夫甚之也

王子瑕奔晉

秋七月叔弓如宋葬共姬

外夫人不書葬此其言葬何也吾女也卒災故隱而葬之也

鄭良霄出奔許自許入于鄭鄭人殺良霄

不言大夫惡之也

冬十月葬蔡景公

不日卒而月葬不葬者也卒而葬之不忍使父失民於子也

晉人齊人宋人衛人鄭人曹人莒人邾人滕人薛人杞人小邾人會于澶淵宋災故

會不言其所爲其曰宋災故何也不言災故則無以見其善也其曰人何也救災以衆何救焉更宋之所喪財也澶淵之會中國不侵

伐夷狄夷狄不入中國無侵伐八年善之也
晉趙武楚屈建之力也

三十有一年春王正月

夏六月辛巳公薨于楚宮

楚宮非正也

秋九月癸巳子野卒

子卒日正也

巳亥仲孫羯卒

冬十月滕子來會葬

癸酉葬我君襄公

十有一月莒人弑其君密州

春秋穀梁傳襄公卷第九

春秋穀梁傳昭公卷第十

元年春王正月公即位

繼正即位正也

叔孫豹會晉趙武楚公子圍齊國弱宋向戌衛
齊惡陳公子招蔡公孫歸生鄭罕虎許人曹人
于郭

三月取鄆

夏秦伯之弟鍼出奔晉

諸侯之尊弟兄不得以屬通其弟云者親之



也親而奔之惡也

六月丁巳邾子華卒

晉荀吳帥師敗狄于太原

傳曰中國曰太原夷狄曰太鹵號從中國名從主人

秋莒去疾自齊入于莒莒展出奔吳

叔弓帥師疆鄆田

疆之爲言猶竟也

葬邾悼公

冬十有一月己酉楚子卷卒

楚公子比出奔晉

二年春晉侯使韓起來聘

夏叔弓如晉

秋鄭殺其大夫公孫黑

冬公如晉至河乃復

耻如晉故著有疾也

季孫宿如晉

公如晉而不得入季孫宿如晉而得入惡季

公九四為晉季氏所
于晉侯亦不

孫宿也

三年春王正月丁未滕子原卒

夏叔弓如滕

五月葬滕成公

秋小邾子來朝

八月大雩

冬大雨雹

北燕伯款出奔齊

其曰北燕從史文也

四年春王正月大雨雪

夏楚子蔡侯陳侯鄭伯許男徐子滕子頓子胡

子沈子小邾子宋世子佐淮夷會于申楚人執

徐子

秋七月楚子蔡侯陳侯許男頓子胡子沈子淮

夷伐吳執齊慶封殺之

此人而殺其不言人何也慶封封乎吳鍾離

其不言伐鍾離何也不與吳封也慶封其以

齊氏何也爲齊討也靈王使人以慶封令於

軍中曰有若齊慶封弑其君者乎慶封曰子一息我亦且一言曰有若楚公子圍弑其兄之子而代之爲君者乎軍人粲然皆笑慶封弑其君而不以弑君之罪罪之者慶封不爲靈王服也不與楚討也春秋之義用貴治賤用賢治不肖不以亂治亂也孔子曰懷惡而討雖死不服其斯之謂與

遂滅厲

遂繼事也

九月取繒

冬十有二月乙卯叔孫豹卒

五年春王正月舍中軍

貴復正也

楚殺其大夫屈申

公如晉

夏莒牟夷以牟婁及防茲來奔

以者不以者也來奔者不言出及防茲以大及小也莒無大夫其曰牟夷何也以其地來

也以地來則何以書也重地也

秋七月公至自晉

戊辰叔弓帥師敗莒師于賁泉

莒師敗

狄人謂賁泉失台號從中國名從主人

秦伯卒

冬楚子蔡侯陳侯許男頓子沈子徐人越人伐吳

六年春主正月杞伯益姑卒

葬秦景公

夏季孫宿如晉

葬杞文公

宋華合比出奔衛

秋九月大雩

冬遠罷帥師伐吳

冬叔弓如楚

齊侯伐北燕

七年春王正月暨齊平

平者成也暨猶暨暨也暨者不得已也以外

及內曰暨

三月公如楚

叔孫婁如齊蒞盟

蒞位也內之前定之辭謂之蒞外之前定之辭謂之來

夏四月甲辰朔日有食之

秋八月戊辰衛侯惡卒

鄉曰衛齊惡今日衛侯惡此何爲君臣同名也君子不奪人名不奪人親之所名重其所

決人重其所

以來也王父名子也

九月公至自楚

冬十有一月癸未季孫宿卒

十有二月癸亥葬衛襄公

八年春陳侯之弟招殺陳世子偃師

鄉曰陳公子招今日陳侯之弟招何也曰盡其親所以惡招也兩下相殺不志乎春秋此其志何也世子云者唯君之貳也云可以重之存焉志之也諸侯之尊兄弟不得以屬通

其弟云者親之也親而殺之惡也

夏四月辛丑陳侯溺卒

叔弓如晉

楚人執陳行人于徵師殺之

稱人以執大夫執有罪也稱行人怨接于上也

陳公子留出奔鄭

秋蒐于紅

正也因蒐狩以習用武事禮之大者也艾蘭

何為田之大限
以車為學玉環為門志
辨以表之
質者中門之木柱恐不
權何為是故以首門實
之製泉極也實或作福
獨毛布
注：廣狹是合車直注
車兩軸有門一旁一極四
寸也單者不乃一擊半柱
也若年錢者門不使
乃入以和其所也
駟車乃差不出極子或
玉相履至左相後後是
陽去是也

以為防置旃以為轅門以葛覆質以為藥流
旁握御擊者不得入車軌塵馬候蹄捨禽旅
御者不失其馳然後射者能中過防弗逐不
從奔之道也面傷不獻不成禽不獻禽雖多
天子取三十焉其餘與士眾以習射於射宮
射而中田不得禽則得禽田得禽而射不中
則不得禽是以知古之貴仁義而賤勇力也
陳人殺其大夫公子過

大雩

冬十月壬午楚師滅陳執陳公子招放之于越
殺陳孔奭

惡楚子也

葬陳哀公

不與楚滅閔公也

九年春叔弓會楚子於陳

許遷于夷

夏四月陳火

國曰災邑曰火火不志此何以志閔陳而存

之也

秋仲孫矍如齊

冬築郎囿

十年春王正月

夏齊欒施來奔

秋七月季孫意如叔弓仲孫矍帥師伐莒

戊子晉侯彪卒

九月叔孫婁如晉

葬晉平公

十有二月甲子宋公成卒

十有一年春王二月叔弓如宋

葬宋平公

夏四月丁巳楚子虔誘蔡侯般殺之于申

何為名之也夷狄之君誘中國之君而殺之

故謹而名之也稱時稱月稱日稱地謹之也

楚公子棄疾帥師圍蔡

五月甲申夫人歸氏夢大蒐于比蒲

仲孫矍會邾子盟于稷祥

秋季孫意如會晉韓起齊國弱宋華亥衛比官

佗鄭罕虎曹人杞人于厥愁

九月己亥葬我小君齊歸

冬十有一月丁酉楚師滅蔡執蔡世子友以歸

用之

此子也其曰世子何也不與楚殺也一事注

乎志所以惡楚子也

十有二年春齊高偃帥師納北燕伯于陽

納者內不受也燕伯之不名何也不以高偃

一事注而忘也

摯燕伯也

逆以去公子之家夫不可在也亦不言逆摯之

三月壬申鄭伯嘉卒

夏宋公使華定來聘

公如晉至河乃復

季孫氏不使遂乎晉也

五月葬鄭簡公

楚殺其大夫成虎

秋七月

冬十月公子愁出奔齊

楚子伐徐

晉伐鮮虞

其曰晉狄之也其狄之何也不正其與夷狄

交伐中國故狄稱之也

十有三年春叔弓帥師圍費

夏四月楚公子比自晉歸于楚弑其君虔于乾

溪

自晉晉有奉焉爾歸而弑不言歸言歸非弑

也歸一事也弑一事也而遂言之以比之歸

鮮虞姬姬白狄也地在中山

弑比不弑也弑君者日不日比不弑也

楚公子棄疾殺公子比

當上之辭也當上之辭者謂不稱人以殺乃以君殺之也討賊以當上之辭殺非弑也比之不弑有四取國者稱國以弑楚公子棄疾殺公子比比不嫌也春秋不以嫌嫌棄疾主其事故嫌也

秋公會劉子晉侯齊侯宋公衛侯鄭伯曹伯莒子邾子滕子薛伯杞伯小邾子于平丘八月甲戌同盟于平丘公不與盟

同者有同也同外楚也公不與盟者可以與而不與譏在公也其日善是盟也

晉人執季孫意如以歸公至自會

蔡侯廬歸于蔡

陳侯吳歸于陳

善其成之會而歸之故謹而日之此未嘗有國也使如失國辭然者不與楚滅也

冬十月葬蔡靈公

變之不葬有三失德不葬弑君不葬滅國不葬然且葬之不與楚滅且成諸侯之事也公如晉至河乃復

吳滅州來

十有四年春意如至自晉

大夫執則致致則名意如惡然而致見君臣之禮也

三月曹伯滕卒

夏四月

秋葬曹武公

八月莒子去疾卒

冬莒殺其公子意恢

言公子而不言大夫莒無大夫也莒無大夫而曰公子意恢意恢賢也曹莒皆無大夫其所以無大夫者其義異也

十有五年春王正月吳子夷末卒

二月癸酉有事于武宮籥人叔弓卒去樂卒事君在祭樂之中聞大夫之喪則去樂卒事禮

也君在祭樂之中大夫有變以聞可乎大夫國體也古之人重死君命無所不通

夏蔡朝吳出奔鄭

六月丁巳朔日有食之

秋晉荀吳帥師伐鮮虞

冬公如晉

十有六年春齊侯伐徐

楚子誘戎蠻子殺之

夏公至自晉

秋八月己亥晉侯夷卒

九月大雩

季孫意如如晉

冬十月葬晉昭公

十有七年春小邾子來朝

夏六月甲戌朔日有食之

秋邾子來朝

八月晉荀吳帥師滅陸渾戎

冬有星孛于大辰

國家圖書館, NATIONAL CENTRAL LIBRARY, TAIWAN, R.O.C.

劉向曰大辰大火也。不曰大火而曰大辰，謂濫於大辰也。能示加大大。

一有一亡曰有于大辰者濫于大辰也

楚人及吳戰于長岸

兩夷狄曰敗中國與夷狄亦曰敗楚人及吳戰于長岸進楚子故曰戰

十有八年春王三月曹伯須卒

夏五月壬午宋衛陳鄭災

其志以同日也其日亦以同日也或曰人有謂鄭子產曰某日有災子產曰天者神子惡知之是人也同日為四國災也

六月邾人入郟

秋葬曹平公

冬許遷于白羽

十有九年春宋公伐邾

夏五月戊辰許世子止弑其君賈

日弑正卒也正卒則止不弑也不弑而曰弑責止也止曰我與夫弑者不立乎其位以與其弟虺哭泣歆飭粥啗不容粒未踰年而歿故君子即止自責而責之也

益音益明味

春秋傳
卷一
巳卯地震

秋齊高發帥師伐莒

冬葬許悼公

日卒時葬不使止為弑父也曰子既生不免乎水火毋之罪也羈貫成童不就師傅父之罪也就師學問無方心志不通身之罪也心志既通而名譽不聞友之罪也名譽既聞有司不舉有司之罪也有司舉之王者不用王者之過也許世子不知嘗藥累及許君也

羈貫成童不就師傅父之罪也就師學問無方心志不通身之罪也心志既通而名譽不聞友之罪也名譽既聞有司不舉有司之罪也有司舉之王者不用王者之過也許世子不知嘗藥累及許君也

二十年春王正月

夏曹公孫會自夢出奔宋

自夢者專乎夢也曹無大夫其曰公孫何也言其以貴取之而不以叛也

秋盜殺衛侯之兄輒

盜賤也其曰兄母兄也目衛侯衛侯累也然則何為不為君也曰有天疾者不得入乎宗廟輒者何也曰兩足不能相過齊謂之綦楚謂之蹶衛謂之輒

綦者其連併也蹶者其反也合之齊也所上作蹶也

冬十月宋華亥向寧華定出奔陳
十有一月辛卯蔡侯廬卒

二十有一年春王正月葬蔡平公

夏晉侯使士鞅來聘

宋華亥向寧華定自陳入于宋南里以叛

自陳陳有奉焉爾入者內弗受也其曰宋南里宋之南鄙也以者不以者也叛直叛也

秋七月壬午朔日有食之

八月乙亥叔輒卒

冬蔡侯東出奔楚

東者東國也何爲謂之東也王父誘而殺焉父執而用焉奔而又奔之曰東惡之而貶之也

公如晉至河乃復

二十有二年春齊侯伐莒

宋華亥向寧華定自宋南里出奔楚

自宋南里者專也

大蒐于昌間

秋而曰蒐此春也其曰蒐何也以蒐事也

夏四月乙丑天王崩

六月叔鞅如京師

葬景王王室亂

亂之爲言事未有所成也

劉子單子以王猛居于皇

以者不以者也王猛嫌也

秋劉子單子以王猛入于王城

以者不以者也入者內弗受也

冬十月王子猛卒

此不卒者也其曰卒失嫌也

十有二月癸酉朔日有食之

二十有三年春王正月叔孫婼如晉

癸丑叔鞅卒

晉人執我行人叔孫婼

晉人圍郊

夏六月蔡侯東國卒于楚

秋七月莒子庚輿來奔

國非有尹氏曰滅

秦漢傳

卷十

七

戊辰吳敗頓胡沈蔡陳許之師于雞甫胡子髡
沈子盈滅

中國不言敗此其言敗何也中國不敗胡子
髡沈子盈其滅乎其言敗釋其滅也

獲陳夏齧

獲者非與之辭也上下之稱也

天王居于狄泉

始王也其曰天王因其居而王之也

尹氏立王子朝

天子居年即位稱王

天子居年即位稱王
亦王稱年而古稱子朝
非在國即位之禮
而居年也

立者不宜立者也朝之不名何也別嫌乎尹
氏之朝也

八月乙未地震

冬公如晉至河公有疾乃復

疾不志此其志何也釋不得入乎晉也

二十有四年春王二月丙戌仲孫釁卒

媾至自晉

大夫執則致致則挈由上致之也

夏五月乙未朔日有食之

王不勝也致王於死也
言也

史記傳

卷十

七

秋八月大雩

丁酉杞伯郁釐卒

冬吳滅巢

葬杞平公

二十有五年春叔孫婣如宋

夏叔倪會晉趙鞅宋樂大心衛北宮喜鄭游吉

曹人邾人滕人薛人小邾人于黃父

有鸛鵒來巢

一有一亡曰有來者來中國也鸛鵒穴者而

對向曰古穴而巢法也
隨位也隨者之也

曰巢或曰增之也

秋七月上辛大雩季辛又雩

季者有中之辭也又有繼之辭也

九月乙亥公孫于齊

孫之為言猶孫也諱奔也

次于陽州

次止也

齊侯唁公于野井

弔失國曰唁唁公不得入于魯也

齊之上也色也於直
前

公遂言在王廷也

冬十月戊辰叔孫婁卒

十有一月己亥宋公佐卒于曲棘

邾公也

邾可為詒涉也言其內也

十有二月齊侯取鄆

取易辭也內不言取以其為公取之故易言

之也

二十有六年春王正月葬宋元公

三月公至自齊居于鄆

公次于陽州其曰至自齊何也以齊侯之見公可以言至

自齊也居于鄆者公在外也至自齊道義不

外公也

夏公圍成

成氏邑

非國不言圍所以言圍者以大公也

秋公會齊侯莒子邾子杞伯盟于鄆陵公至自

會居于鄆

公在外也至自會道義不外公也

九月庚申楚子居卒

冬十月天王入于成周

是三家淫色也色為百
乘以、小國、家之惡及
田以起乎民故乃國實
困而不死

西心居五年

周有入無出也

尹氏召伯毛伯以王子朝奔楚

宋昭公奔楚外附於楚子朝之舅

遠矣非也奔直奔也

二十有七年春公如齊公至自齊居于鄆

公在外也

夏四月吳弑其君僚

楚殺其大夫邾宛

秋晉士鞅宋樂祁犁衛北宮喜曹人邾人滕人

會于扈

冬十月曹伯午卒

邾快來奔

公如齊公至自齊居于鄆

二十有八年春王三月葬魯悼公

公如晉次于乾侯

公在外也

夏四月丙戌鄭伯寧卒

六月葬鄭定公

秋七月癸巳滕子寧卒

冬葬滕悼公

二十有九年春公至自乾侯居于鄆齊侯使高張來唁公

唁公不得入于魯也

公如晉次于乾侯

夏四月庚子叔倪卒

季孫意如曰叔倪無病而死此皆無公也是天命也非我罪也

秋七月

叔倪之弟也

賊臣可乎天命

焉斯乎

冬十月鄆潰

潰之為言上下不相得也上下不相得則惡矣亦譏公也昭公出奔民如釋重負

三十年春王正月公在乾侯

中國不存公存公故也

夏六月庚辰晉侯去疾卒

秋八月葬晉頃公

冬十有二月吳滅徐

徐子章羽奔楚

不復言還在此所也

三十有一年春王正月公在乾侯

季孫意如會晉荀欒于適歷

夏四月丁巳薛伯穀卒

晉侯使荀欒唁公于乾侯

唁公不得入于魯也曰既為君言之矣不可者意如也

秋葬薛獻公

冬黑肱以濫來奔

其不言邾黑肱何也別乎邾也其不言濫子

邾以濫為王孫

何也非天子所封也來奔內不言叛也

十有二月辛亥朔日有食之

三十有二年春王正月公在乾侯取闕

夏吳伐越

秋七月

冬仲孫何忌會晉韓不信齊高張宋仲幾衛太

叔申鄭國參曹人莒人邾人薛人杞人小邾人

城成周

自系王崩始在安于宋南附於內侮天子且于五年三月在
無極之伯不特政力在名陶叔高臣于

天子微諸侯不享覲天子之在者惟祭與號

穀梁傳

卷十

三十一

鄭上帝
經上

故諸侯之大夫相帥以城之此變之正也
十有二月己未公薨于乾侯

春秋穀梁傳昭公卷第十

春秋穀梁傳定公卷第十一
元年春王

不言正月定無正也定之無正何也昭公之
終非正終也定之始非正始也昭無正終故
定無正始不言即位喪在外也

三月晉人執宋仲幾于京師

此其大夫其曰人何也微之也何爲微之不
正其執人於尊者之所也不與大夫之伯討
也

夏六月癸亥公之喪至自乾侯

戊辰公即位

殯然後即位也定無正見無以正也踰年不言即位是有故公也言即位是無故公也即位授受之道也先君無正終則後君無正始也先君有正終則後君有正始也戊辰公即位謹之也定之即位不可不察也公即位何以日也戊辰之日然後即位也癸亥公之喪至自乾侯何為戊辰之日然後即位也正君

癸亥去戊辰六日注在日而殯之以示死之禮

沈子之說須受即位

命君示不致背殯而位
王与是三月有去月人而
魯人亦平既殯於乃舟
表服天子之斬哭注中
又言以殯以不奪人
也也門外之也也也也
門內之也也也也也也
也也也也也也也也也
也也也也也也也也也

乎國然後即位也沈子曰正棺乎兩楹之間然後即位也內之大事日即位君之大事也其不日何也以年決者不以日決也此則其日何也著之也何著焉踰年即位厲也於厲之中又有義焉未殯雖有天子之命猶不敢况臨諸臣乎周人有喪魯人有喪周人弔魯人不弔周人曰固吾臣也使人可也魯人曰吾君也親之者也使大夫則不可也故周人弔魯人不弔以其下成康為未久也君至尊

也去父之殯而往弔猶不敢况未殯而臨諸
臣乎

秋七月癸巳葬我君昭公

九月大雩

雩月雩之正也秋大雩非正也冬大雩非正
也秋大雩雩之爲非正何也毛澤未盡人力
未竭未可以雩也雩月雩之正也月之爲雩
之正何也其時窮人力盡然後雩雩之正也
何謂其時窮人力盡是月不雨則無及矣是

亢地之所生得之毛天
不降而嘉品不育可澤
之未善況去秋雖加而益
亦非有洪之潤也曰毛澤
亦耕松之力

年不艾則無食矣是謂其時窮人力盡也雩
之必待其時窮人力盡何也雩者爲早求者
也求者請也古之人重請何重乎請人之所
以爲人者讓也請道去讓也則是舍其所以
爲人也是以重之焉請哉請乎應上公古之
神人有應上公者通乎陰陽君親帥諸大夫
道之而以請焉夫請者非可詒託而往也必
親之者也是以重之

立煬宮

立者不宜立者也

冬十月隕霜殺菽

未可以殺而殺舉重可殺而不殺舉輕其曰菽舉重也

二年春王正月

夏五月壬辰雉門及兩觀災

其不曰雉門災及兩觀何也災自兩觀始也不以尊者親災也先言雉門尊尊也

秋楚人伐吳

災在兩觀下使為方說災者不曰雉門災矣

冬十月新作雉門及兩觀

言新有舊也作為也有加其度也此不正其以尊者親之何也雖不正也於美猶可也

三年春王正月公如晉至河乃復

三月辛卯邾子穿卒

夏四月

秋葬邾莊公

冬仲孫何忌及邾子盟于拔

四年春王二月癸巳陳侯吳卒

不可說災為不即矣

二月公會劉子晉侯宋公蔡侯衛侯陳子鄭伯許男曹伯莒子邾子頓子胡子滕子薛伯杞伯小邾子齊國夏于召陵侵楚

夏四月庚辰蔡公孫姓帥師滅沈以沈子嘉歸殺之

五月公及諸侯盟于臯鼫

後而再會公志于後會也後志疑也

杞伯成卒于會

六月葬陳惠公

許遷于容城

秋七月公至自會

劉卷卒

此不卒而卒者賢之也寰內諸侯也非列土諸侯此何以卒也天王崩爲諸侯主也

葬杞悼公

楚人圍蔡

晉士鞅衛孔圉帥師伐鮮虞

葬劉文公

冬十有一月庚午蔡侯以吳子及楚人戰于伯
舉楚師敗績

吳其稱子何也以蔡侯之以之舉其貴者也
蔡侯之以之則其舉貴者何也吳信中國而
攘夷狄吳進矣其信中國而攘夷狄柰何子
胥父誅于楚也挾弓持矢而于闔廬闔廬曰
大之甚勇之甚爲是欲興師而伐楚子胥諫
曰臣聞之君不爲匹夫興師且事君猶事父
也虧君之義復父之讐臣弗爲也於是止蔡

匹夫而于諸侯之
之志至疑難之心

昭公朝于楚

昭公朝于楚有美裘正是日囊瓦求之昭公
不與爲是拘昭公於南郢數年然後得歸歸
乃用事乎漢曰苟諸侯有欲伐楚者寡人請
爲前列焉楚人聞之而怒爲是興師而伐蔡
蔡請救于吳子胥曰蔡非有罪楚無道也君
若有憂中國之心則若此時可矣爲是興師
而伐楚何以不言救也救大也

楚囊瓦出奔鄭

庚辰吳入楚

日入易無楚也易無楚者壞宗廟徙陳器撻平生之墓何以不言滅也欲存楚也其欲存楚柰何昭王之軍敗而逃父老送之曰寡人不肖亡先君之邑父老反矣何憂無君寡人且用此入海矣父老曰有君如此其賢也以衆不如吳以必死不如楚相與擊之一夜而三敗吳人復立何以謂之吳也狄之也何謂狄之也君居其君之寢而妻其君之妻大夫居其大夫之寢而妻其大夫之妻蓋有欲妻楚王之母者不正乘敗人之績而深爲利居人之國故反其狄道也

五年春王三月辛亥朔日有食之

夏歸粟於蔡

諸侯無粟諸侯相歸粟正也孰歸之諸侯也不言歸之者專辭也義邇也

於越入吳

六月丙申季孫意如卒

秋七月壬子叔孫不敢卒

於越夷言也古便以俗
石自通

冬晉士鞅帥師圍鮮虞

六年春王正月癸亥鄭游帥師滅許以許男斯歸

二月公侵鄭公至自侵鄭

夏季孫斯仲孫何忌如晉

秋晉人執宋行人樂祁犁

冬城中城

城中城者三家張也或曰非外民也

季孫斯仲孫忌帥師圍鄆

晉西修內謀於

七年春王正月

夏四月

秋齊侯鄭伯盟于鹹

齊人執衛行人北宮結以侵衛

以重辭也衛人重北宮結

齊侯衛侯盟于沙

大雩

齊國夏帥師伐我西鄙

九月大雩

冬十月

八年春王正月公侵齊公至自侵齊

二月公侵齊

三月公至自侵齊

公如往時致月危致也往月致時危往也往月致月惡之也

曹伯露卒

夏齊國夏帥師伐我西鄙

公會晉師于瓦

公至自瓦

秋七月戊辰陳侯柳卒

晉士鞅帥師侵鄭遂侵衛

葬曹靖公

九月葬陳懷公

季孫斯仲孫何忌帥師侵衛

冬衛侯鄭伯盟于曲濮

從祀先公

貴復正也

盜竊寶玉大弓

寶玉者封圭也大弓者武王之戎弓也周公受賜藏之魯非其所以與人而與人謂之亡非其所取而取之謂之盜

九年春王正月

夏四月戊申鄭伯蠆卒

得寶玉大弓

其不地何也寶玉大弓在家則羞不目羞也惡得之得之堤下或曰陽虎以解衆也

見陪臣身也

六月葬鄭獻公

秋齊侯衛侯次于五氏

秦伯卒

冬葬秦哀公

十年春王三月及齊平

夏公會齊侯于頰谷公至自頰谷

離會不致何爲致也危之也危之則以地致何也爲危之也其危柰何曰頰谷之會孔子相焉兩君就壇兩相相揖齊人鼓譟而起欲

岸子曰孫

以執魯君孔子歷階而上不盡一等而視歸乎齊侯曰兩君合好夷狄之民何爲來爲命司馬止之齊侯逡巡而謝曰寡人之過也退而屬其二三大夫曰夫人率其君與之行古入之道二三子獨率我而入夷狄之俗何爲罷會齊人使優施舞于魯君之幕下孔子曰笑君者罪當死使司馬行法焉首足異門而出齊人來歸鄆讙龜陰之田者蓋爲此也因是以見雖有文事必有武備孔子於頰谷之

會見之矣

晉趙鞅帥師圍衛

齊人來歸鄆讙龜陰之田

叔孫州仇仲孫何忌帥師圍郕

秋叔孫州仇仲孫何忌帥師圍郕

宋樂大心出奔曹

宋公子地出奔陳

冬齊侯衛侯鄭游速會于安甫

叔孫州仇如齊

居之所

五以表理

宋公之弟辰暨宋仲佗石彊出奔陳

十有一年春宋公之弟辰及仲佗石彊公子地

自陳入于蕭以叛

未失其弟也以尊及卑也陳有奉焉爾入者

內弗受也以者不以也叛直叛也

夏四月

秋宋樂大心自曹入于蕭

冬及鄭平

叔還如鄭莅盟

十有二年春薛伯定卒

夏葬薛襄公

叔孫州仇帥師墮郈

墮猶取也

衛公孟彊帥師伐曹

季孫斯仲孫何忌帥師墮費

秋大雩

冬十月癸亥公會齊侯盟于黃

十有一月丙寅朔日有食之

諸君皆謂之曰非師墮
其謀陰且師永居之
亦更在他人也

侯去不建國也

公至自黃

十有二月公圍成

非國言圍圍成大公也

公至自圍成

何以致危之也何危爾邊乎齊也

十有三年春齊侯次于垂葭

夏築蛇淵圍

大蒐于比蒲

衛公孟彊帥師伐曹

秋晉趙鞅入于晉陽以叛

以者不以者也叛直叛也

冬晉荀寅士吉射入于朝歌以叛

晉趙鞅歸于晉

此叛也其以歸言之何也貴其以地反也貴

其以地反則是大利也非大利也許悔過也

許悔過則何以言叛也以地正國也以地正

國則何以言叛其入無君命也

薛弒其君比

身入者歸以其身甲亦
得之字叛夫以言志而
必求其釋身不為不字

十有四年春衛公叔戌來奔

晉趙陽出奔宋

二月辛巳楚公子結陳公孫佗人帥師滅頓以

頓子牂歸

夏衛北宮結來奔

五月於越敗吳于檇李

吳子光卒

公會齊侯衛侯于牽公至自會

秋齊侯宋公會于洮

天王使石尚來歸脤

脤者何也俎實也祭肉也生日脤熟曰膳其
辭石尚士也何以知其士也天子之大夫不
名石尚欲書春秋諫曰久矣周之不行禮於
魯也請行脤貴復正也

衛世子蒯聵出奔宋衛公孟彊出奔鄭

宋公之弟辰自蕭來奔

大蒐于比蒲

邾子來會公

若石于春脤

程異也下是時

制也

戊午日下稷乃克葬

乃急辭也不足乎日之辭也

辛巳葬定弋

冬城漆

穀梁傳定公卷第十一

春秋穀梁傳哀公卷第十二

元年春王正月公即位

楚子陳侯隋侯許男圍蔡

麇食郊牛角改卜牛

夏四月辛巳郊

春秋傳曰郊於此
於此傳說經之
夏四月郊其時也
此說其言

此該郊之變而道之也于變之中又有言焉麇
鼠食郊牛角改卜牛志不敬也郊牛日展斛
角而知傷展道盡矣郊自正月至于三月郊
之時也夏四月郊不時也五月郊不時也夏

之始可以承春以秋之末承春之始蓋不可
 矣九月用郊用者不宜用者也郊三卜禮也
 四卜非禮也五卜強也卜免牲者吉則免之
 不吉則否牛傷不言傷之者傷自牛作也故
 其辭緩全曰牲傷曰牛未牲曰牛其牛一也
 其所以為牛者異有變而不郊故卜免牛也
 已牛矣其尚卜免之何也禮與其亡也寧有
 嘗置之上帝矣故卜而後免之不敢專也卜
 之不吉則如之何不免安置之繫而待六月

其也待其後牲也

後其也待其後牲也

上甲始庀牲然後左右之子之所言者牲之
 變也而曰我一該郊之變而道之何也我以

六月上甲始庀牲十月上甲始繫牲十一月

十二月牲雖有變不道也待正月然後言牲

之變此乃所以該郊郊享道也貴其時大其

禮其養牲雖小不備可也子不志三月卜郊

何也郊自正月至三月郊之時也我以十

二月下辛卜正月上辛如不從則以正月下

辛卜二月上辛如不從則以二月下辛卜三

月門字校管論以
 謂門外祀之也
 祭者牲未左在
 於門左旁之
 凡其猶帶持死牲以
 六月甲始庀牲以
 后所養六月九月
 皆言有也祭牲以十
 月上甲始庀牲以
 卜不吉者十月十
 月之牲也祭以三月
 也郊時之及則郊
 矣

六卦十言
 亦有道矣
 也正月后言
 言為郊郊
 也而也合不
 道之在應之
 郊之與郊矣

月上辛如不從則不郊矣

秋齊侯衛侯伐晉

冬仲孫何忌帥師伐邾

二年春王二月季孫斯叔孫州仇仲孫何忌帥

師伐邾取邾東田及沂西田

取邾東田邾東未盡也及沂西田沂西未盡也

○ ○ ○ ○

○ ○ ○ ○

癸巳叔孫州仇仲孫何忌及邾子盟于句澤

三人伐而二人盟何也各盟其得也

夏四月丙子衛侯元卒

滕子來朝

晉趙鞅帥師納衛世子蒯聵于戚

納者內弗受也帥師而後納者有伐也何用

弗受也以輒不受也以輒不受父之命受之

王父也信父而辭王父則是不尊王父也其

弗受以尊王父也

秋八月甲戌晉趙鞅帥師及鄭罕達帥師戰于

又其子不字耶
通為一安身又
自裁也

鐵鄭師敗績

冬十月葬衛靈公

十有一月蔡遷于州來蔡殺其大夫公子駟

三年春齊國夏衛石曼姑帥師圍戚

此衛事也其先國夏何也子不圍父也不繫戚於衛者子不有父也

夏四月甲午地震

五月辛卯桓宮僖宮災

言及則祖有尊卑由我言之則一也

季孫斯叔孫州仇帥師城啓陽

宋樂髡帥師伐曹

秋七月丙子季孫斯卒

蔡人放其大夫公孫獵于吳

冬十月癸卯秦伯卒

叔孫州仇仲孫何忌帥師圍邾

四年春王二月庚戌盜弒蔡侯申

稱盜以弒君不以上下道道也內其君而外弒者不以弒道道也春秋有三盜微殺大夫

謂之盜非所取而取之謂之盜辟中國之正道以襲利謂之盜

蔡公孫辰出奔吳

葬秦惠公

宋人執小邾子

夏蔡殺其大夫公孫姓公孫霍

晉人執戎蠻子赤歸于楚

城西城

六月辛丑亳社災

亳社于亳武王克紂
列其社于法存以亡國
之戒
以屏為而難視之

亳社者亳之社也亳亡國也亡國之社以為廟屏戒也其屋亡國之社不得達上也

秋八月甲寅滕子結卒

冬十有二月葬蔡昭公

葬滕頃公

五月春城睨

夏齊侯伐宋

晉趙鞅帥師伐衛

秋九月癸酉齊侯杵臼卒

冬叔還如齊

閏月葬齊景公

不正其閏也

六年春城邾瑕

晉趙鞅帥師伐鮮虞

吳伐陳

夏齊國夏及高張來奔

叔還會吳于祖

秋七月庚寅楚子軫卒

齊陽生入于齊

齊陳乞弒其君荼

陽生入而弒其君以陳乞主之何也不以陽生君荼也其不以陽生君荼何也陽生正荼不正不正則其曰君何也荼雖不正已受命矣入者內弗受也荼不正何用弗受以其受命可以言弗受也陽生其以國氏何也取國于荼也

冬仲孫何忌帥師伐邾

宋向巢帥師伐曹

七年春宋皇瑗帥師侵鄭

晉魏曼多帥師侵衛

夏公會吳于繒

秋公伐邾八月己酉入邾以邾子益來

以者不以者也益之名惡也春秋有臨天下之言焉有臨一國之言焉有臨一家之言焉其言來者有外魯之辭焉

宋人圍曹

冬鄭駟弘帥師救曹

八年春王正月宋公入曹以曹伯陽歸

吳伐我

夏齊人取謹及闡

惡內也

歸邾子益于邾

益之名失國也

秋七月

冬十有二月癸亥杞伯過卒

邾益齊陽

齊人歸讎及闡

九年春王二月葬杞僖公

宋皇瑗帥師取鄭師于雍丘

夏楚人伐陳

秋宋公伐鄭

冬十月

十年春王二月邾子益來奔

公會吳伐齊

二月戊戌齊侯陽生卒

夏宋人伐鄭

晉趙鞅帥師侵齊

五月公至自伐齊

葬齊悼公

衛公孟彊自齊歸于衛

薛伯夷卒

秋葬薛惠公

冬楚公子結帥師伐陳吳救陳

十有一年春齊國書帥師伐我

形易也以此而易而

夏陳轅頗出奔鄭

五月公會吳伐齊

甲戌齊國書帥師及吳戰于艾陵齊師敗績獲齊國書

秋七月辛酉滕子虞母卒

冬十有一月葬滕隱公

衛世叔齊出奔宋

十有二年春用田賦

古者公田十一用田賦非正也

古者之法以其法文并田十一
取於公田通於民也古者馬
牛三以一正之也古者以
公田之財也田亦古法也
古者之法也

夏五月甲辰孟子卒

孟子者何也昭公夫人也其不言夫人何也
諱取同姓也

公會吳于橐臯

秋公會衛侯宋皇瑗于鄆

宋向巢帥師伐鄭

冬十有二月螽

十有三年春鄭罕達帥師取宋師于岳
取易辭也以師而易取宋病矣

夏許男成卒

公會晉侯及吳子于黃池

黃池之會吳子進乎哉遂子矣吳夷狄之國也祝髮文身欲因魯之禮因晉之權而請冠端而襲其藉于成周以尊天王吳進矣吳東方之大國也累累致小國以會諸侯以合乎中國吳能為之則不臣乎吳進矣王尊稱也子卑稱也辭尊稱而居卑稱以會乎諸侯以尊天王吳王夫差曰好冠來孔子曰大矣哉

祝髮也刺去其身以辟
垢也
請者王稱言請而於
上於下而不也存於
者于存
吳進矣也

司有牙牙種也元有
旅也

夫差未能言冠而欲冠也

楚公子申帥師伐陳

於越入吳

秋公至自會

晉魏曼多帥師侵衛

葬許元公

九月螽

冬十有一月有星孛于東方

盜殺陳夏區夫

北平大居未決以之
今言不星以波于但元字

十有二月螽

十有四年春西狩獲麟

引取之也狩地不地不狩也非狩而曰狩大獲麟故大其適也其不言來不外麟於中國也其不言有不使麟不恒於中國也

吳勉學校

春秋穀梁傳哀公卷第十二

傳例曰諸侯不與也
獲麟自孔子來也
形亦不與魯之強柱損
曰斯新之未始於之德
者天運於中也